

光緒順天府志

故事志
兵事
學派
祥異

ル 5
1481
31



門牌 6
號 481
卷 31

門牌 5
號 1481
卷 31



故事志三 光緒順天府志六十七

兵事 吳橋劉恩溥纂江陰繆荃孫覆輯

燕京博大爽塏形勢雄偉自古用武之國也自漢迄唐均為北方重鎮安巴堅起於遼而王氣鍾焉然僅有幽薊之地未能統一中原迨金元明建都於此兵革侵伐無世無之我

朝入旗勁旅削平巨憝小民不識兵革享承平之福者業二百餘年自非厚澤深仁肌髓淪浹曷克臻此咸同之際洋舶駛至天津通商內地者二十餘國海口設防不虞是戒有心時事者不能無世變之感矣志兵事

周

成王十二年王師燕師城韓 竹書紀年

惠王十二年山戎來侵齊桓公救燕北伐山戎 燕世家

順天府志六十七

景王九年齊侯伐北燕春秋昭六年

顯王十四年齊師及燕師戰於洵水齊師遁竹書紀年

赧王元年燕太子平將軍市被圍公宮攻子之不克市被及百姓

反攻太子平市被死以徇因構難數月死者數萬人齊王令章子

將五都之衆以伐燕士卒不戰城門不閉遂大勝燕燕世家四十

三年秦魏楚共伐燕大事記

燕王喜五年趙將廉頗追燕師五百餘里遂圍燕燕王割五城以

和周季編略按通鑑載此事於前年据趙世家載於此年六年趙使信平君廉頗武襄君

樂乘伐燕圍其國都燕重禮以和乃解趙世家十二年趙以李牧

為將伐燕取方城通鑑十九年趙攻燕取狸陽城史記趙世家按狸陽在

密雲縣南二十八年燕太子丹使荆軻刺秦王秦王殺軻以徇使王

翦辛勝攻燕破燕軍易水之西史記二十九年王翦大破燕太子

軍拔薊城史記

秦

始皇二十六年定燕地大事記

二世元年七月發閭左戍漁陽陽城人陳勝陽夏人吳廣為屯長

叛攻掠城邑勝自立為楚王以陳人武臣為將軍北徇趙地武臣

自號為武信君進軍圍范陽前漢紀八月武信君自立為趙王使

韓廣北徇燕地廣乃自立為燕王通鑑

漢

高帝元年二月項羽徙燕王韓廣為遼東王都無終立燕將臧荼

為燕王都薊八月荼殺廣通鑑五年七月燕王臧荼反上自將

擊燕九月虜臧荼封太尉盧綰為燕王前漢紀十二年二月燕王

盧綰反周勃以相國代樊噲將擊下薊史記立皇子建為燕王通鑑

盧綰率其黨且萬人降匈奴往來苦上谷以東終高祖世漢書列傳

景帝中二年二月匈奴入燕通鑑十六

武帝元光六年秋以衛尉韓安國為材官將軍屯漁陽通鑑十八

元朔元年秋匈奴入漁陽前漢紀二年正月匈奴入上谷漁陽殺

掠吏民千餘人通鑑十八

元封間堅盧范生之屬攻略燕趙城邑史記

王莽始建國二年詔遣討濊將軍嚴尤出漁陽擊匈奴通鑑三十七

更始二年正月光武以王郎新盛乃北徇薊故廣陽王子劉接起

兵薊中以應郎光武趣駕而出至南城門門已閉攻之得出遂南

馳耿弇北走昌平就其父况時王郎遣將徇漁陽上谷急發其兵

况與漁陽太守彭寵各遣將吳漢寇恂等突騎來助擊王郎南攻

薊殺王郎大將趙闕定涿郡通鑑二十九五月更始遣使立光武為

蕭王令罷兵耿弇願歸幽州益發精兵秋光武拜弇為大將軍與

吳漢北發幽州十郡兵後漢書光武帝紀更始幽州牧苗曾勅諸部不得

應調吳漢將二十騎先馳至無終斬曾耿弇至上谷亦斬更始漁

陽太守蔡充於是悉發其兵通鑑三十九

後漢

光武建武元年四月彊弩將軍陳俊與五校戰於安次追奔二十

餘里斬其渠帥而還五校引退入漁陽所過虜掠光武還薊復遣

耿弇與吳漢等追賊至潞東及平谷斬首萬三千餘級通鑑四十二

年詔漢忠將軍王常北擊漁陽平諸屯聚後漢王常列傳二月行漁陽

太守事漢安樂合彭寵反自將二萬餘人後漢彭寵列傳攻幽州牧朱浮

於薊後漢光武帝紀分兵徇廣陽上谷上谷太守耿况遣子舒將突騎救

浮寵兵乃退帝使游擊將軍鄧隆救薊隆軍潞南浮軍雍奴寵盛

兵臨河以拒隆又別發輕騎三千襲其後大破隆軍浮遠不能救引而去後漢書彭三年春二月涿郡太守張豐反自稱無上大將軍與彭寵連兵寵遂攻拔薊城自立為燕王命征虜將軍祭遵

等擊之後漢書彭四年遣建議大將軍朱祐建威大將軍耿弇征虜將軍祭遵驍騎將軍劉喜討張豐於涿郡祭遵擊豐斬之遵

屯良鄉劉喜屯陽鄉東觀漢記喜作嘉以拒彭寵寵遣弟純將匈奴二千餘騎寵自引兵數萬分為兩道以擊遵喜胡騎經軍都舒

襲破其衆斬匈奴兩王寵乃退走况復與舒攻寵取軍都後漢耿弇列傳五年彭寵蒼頭子密斬寵及妻頭詣闕其尙書韓立等共立寵

子午為王國師韓和斬午首詣遵降通鑑四九年漢忠將軍王常屯涿郡破姦將軍侯進屯漁陽以備匈奴通鑑四十五年徙

雁門代郡上谷吏民六萬餘口置居庸常山關東以避胡寇通鑑四

三十六年郡國盜起幽冀尤甚通鑑四

明帝永平十六年匈奴入雲中遂至漁陽太守廉范擊卻之後漢廉范

和帝永元十三年鮮卑寇右北平遂入漁陽太守擊破之後漢和

帝元龜作安初中後漢安帝永初三年六月烏桓寇上谷涿郡後漢安

建光元年五月鮮卑攻居庸關通鑑建光元年八月鮮卑寇居庸關九月雲中太守成嚴擊之後漢安

兵敗鮮卑於是圍烏桓校尉徐常於馬城度遼將軍耿夔與幽州刺史龐參發廣陽漁陽涿郡甲卒救之通鑑

順帝永建三年九月鮮卑寇漁陽後漢順帝紀按鮮卑列傳

靈帝建甯元年十月鮮卑犯幽州殺略吏民自此以後無歲不犯

塞後漢靈帝紀

熹平二年通鑑作十二月鮮卑寇幽并二州後漢靈帝紀四年五月

鮮卑寇幽州後漢靈帝紀五年鮮卑寇幽州後漢靈帝紀六年夏鮮卑

寇邊烏桓校尉夏育請發幽州諸郡兵出塞討之後漢紀

光和二年鮮卑寇幽并二州後漢靈帝紀三年冬鮮卑寇幽并二州

後漢靈帝紀四年十月鮮卑寇幽并二州後漢靈帝紀

中平元年四月廣陽黃巾殺幽州刺史郭勳及太守劉衛後漢靈帝紀

三年十二月鮮卑寇幽并二州後漢靈帝紀四年六月張溫發幽

州烏桓突騎三千以討涼州故中山相漁陽張純諸將之温不聽

而使涿令遼西公孫瓚將之軍到薊中烏桓以牢稟逋縣多叛還

本國張純忿不得將乃與同郡故泰山太守張舉及烏桓大人耶

力居等連盟劫略薊中殺護烏桓校尉公綦稠右北平太守劉政

遼東太守陽終等衆至十餘萬屯肥如舉稱天子純稱彌天將軍

通鑑五十八五年烏桓反叛與賊張純等攻薊中復與畔胡耶力居

等寇漁陽後漢公孫瓚傳九月遣中郎將孟益率騎都尉公孫瓚討漁

陽賊張純等戰於石門大破之後漢靈帝紀六年三月幽州牧劉虞

購斬張純後漢靈帝紀

獻帝初平四年十月劉虞與公孫瓚積不相能瓚數與袁紹相攻

虞禁之不可而稍節其稟假瓚怒屢違節度又復侵犯百姓虞不

能制乃遣驛使奉章陳其暴掠之罪瓚亦上虞稟糧不周二奏交

馳互相非毀朝廷依違而已瓚乃築小城於薊城東南以居之虞

數請會瓚輒稱病不應虞恐其終爲亂乃率所部兵合十萬人以

討之時瓚部曲放散在外倉卒掘東城欲走虞兵無部伍不習戰

又愛民廬舍敕不聽焚燒戒軍士曰無傷餘人殺一伯珪而已攻圍不下瓚乃簡募銳士數百人因風縱火直衝突之虞衆大潰虞與官屬北犇居庸瓚追攻之三日城陷執虞并妻子還薊猶使領州文書會詔遣使者段訓增虞封邑督六州事拜瓚前將軍封易侯瓚乃誣虞前與袁紹等謀稱尊號脅訓斬虞及妻子於薊市故常山相孫瑾掾張逸張瓚等相與就虞罵瓚極口然後同死瓚傳虞首於京師故吏尾敦於路劫虞首歸葬之虞以恩厚得衆心北州百姓流舊莫不痛惜通鑑六十

興平二年虞從事漁陽鮮于輔等率州兵欲報瓚以燕國閻柔爲

烏丸司馬柔招誘烏丸鮮卑得胡漢數萬人與瓚所置漁陽太守

鄒丹戰於潞北魏志列傳斬丹等四千餘級烏桓峭王亦率種人及鮮

卑七千餘騎隨輔迎虞子和與袁紹將麴義合兵十萬共攻瓚於

鮑邱於是廣陽上谷右北平各殺瓚所置長吏復與鮮于輔劉和

兵合瓚軍屢敗通鑑六十一乃走還易京固守魏志列傳

建安十年漁陽王松據郡會曹操討袁譚於南皮以書招松舉

雍奴泉州安次以附之郝經續後漢書四月故安趙犢霍奴等殺幽州

刺史及涿郡太守三郡烏桓攻郝經續後漢書攻下鮮于輔於獐

平八月操討犢等斬之乃渡潞水救獐平烏桓走出塞通鑑六十四

十二年曹操令田疇將其衆爲鄉導上徐無山塹山堙谷五百餘

里經白檀歷平岡東指柳城通鑑六十五

晉

惠帝永興元年九月安北將軍都督幽州諸軍事王浚殺幽州刺

史和演自領幽州晉書惠帝紀

愍帝建興二年二月勒募兵戒期輕騎襲幽州三月壬申勒晨至

薊叱門者閉門先驅牛羊數千頭填諸街巷使兵不得發勒既入城縱兵大掠勒升其廳事王浚乃走出堂皇勒衆執之使其將王洛生驛送浚襄國市斬之勒停薊二日焚浚宮殿以晉尙書燕國劉翰行幽州刺史戍薊置守宰而還翰不欲從勒乃歸段匹磾匹磾遂據薊城通鑑八十七四年十二月幽州刺史鮮卑段匹磾遣信要劉琨欲與同獎王室己未琨率衆赴之從飛狐入薊通鑑七十九元帝太興二年四月劉琨子羣爲末柸所得末柸厚禮之許以琨爲幽州刺史欲與之襲匹磾密遣使齎羣書請琨爲內應爲匹磾游騎所得琨別屯征北小城來見匹磾匹磾留琨琨之子遵與琨左長史楊橋等開門自守匹磾攻拔之代郡太守辟閭嵩後將軍韓據復謀襲匹磾匹磾殺之并殺琨通鑑九十石勒遣前鋒都督孔萇攻幽州諸郡悉取之段匹磾士卒饑散通鑑九十一三年段匹磾

與弟文鴛攻薊通鑑九十一

後趙

石勒太和二年趙石虎發衆七萬襲段遼於薊遼奔敗宋書天文志

石虎建武四年二月石虎破幽州遷其人萬餘家宋天文志三月虎

進屯金臺支雄長驅入薊通鑑九十六遼所署漁陽太守馬鮑等四十

餘城並率衆降於虎支雄攻安次斬其部大夫那樓奇遼懼韓密

雲山虎遣將郭太麻秋等帥輕騎二萬追遼至密雲山獲其母妻

斬首三千級十二月遼自密雲山遣使詐降於虎復遣使降於燕

慕容皝虎遣征東將軍麻秋帥衆三萬迎之皝自帥諸軍迎遼遼

密與燕謀覆趙軍皝遣子恪伏精騎七千於密雲山通志大敗麻秋

於三藏口通鑑九十六六年慕容皝出嶧嶧塞欽定熱河志

冀趙長驅至薊城所過焚燒積聚掠徙幽冀三萬餘戶通鑑九十六

九年石虎使將張舉將萬餘人屯薊東謀慕容皝

宋天
文志

太甯元年四月彭城王遵殺趙王世自立時沛王冲鎮薊親討之

留甯北將軍沐堅戍幽州帥眾五萬自薊南下傳檄燕趙所在雲

集通鑑九
十八

燕

慕容儁燕元二年二月慕容霸使慕容霸將兵二萬自東道出徒

河慕輿于自西道出嚙螭塞儁自中道出盧龍塞以伐趙霸軍至

三陘趙征東將軍鄧恆焚倉庫棄安樂遁去與幽州刺史王午共

保薊徒河三月燕兵至無終王午留其將王佗以數千人守薊與

恆走保魯口乙巳儁拔薊執王佗斬之儁入都於薊燕兵至范陽

范陽太守李產帥八城令長出降

按范陽郡統涿良鄉方城長
鄉道故安范陽容城八縣

子儁擊鄧恆於魯口追奔四十餘里儁引兵還薊

通鑑九
十八

九月

燕王儁取章武

通鑑九
十八

元璽元年燕王儁還薊稍徙軍中文武兵民家屬於薊

通鑑九
十九

三年燕大調兵眾因發詔之日號曰丙戌舉

通鑑九
十九

慕容暉建熙十年慕容垂叛西平公強帥精騎追之及於范陽世

子令斷後強不敢逼

通鑑一
百二

秦

符堅建元十六年正月以北海公符重為鎮北大將軍鎮薊幽州

刺史行唐公田洛自稱大將軍大都督秦王以治中平規為幽州

刺史遣兵三萬助重戍薊四月詔遣左將軍武都竇衝及吕光帥

步騎四萬討之北海公重悉薊城之眾與洛會屯中山有眾十萬

五月竇衝等與洛戰洛兵大敗生擒洛送長安北海公重走還薊

吕光追斬之幽州悉平

通鑑一
百三

後燕

慕容垂燕元元年六月秦幽州刺史王永帥眾擊燕燕王垂遣將

軍平規擊王永遣昌黎太守宋敞逆戰於范陽敞兵敗規進據薊

南八月永求救於振威將軍劉庫仁庫仁遣公孫希帥騎三千救

之大破平規於薊南通鑑一百五二年正月燕帶方太守王佐與將

軍平規共攻薊王永兵屢敗二月永使宋敞燒和龍及薊城官室

奔壺關佐等入薊通鑑一百六七月燕建節將軍徐巖叛於武邑驅

掠四千餘人北走幽州燕王垂救幽州將平規固守勿戰規違命

出戰為巖所敗巖入薊掠千餘戶而去通鑑一百六

魏

道武帝皇始元年八月己亥大舉伐燕別遣將軍封真等從東道

出軍都襲燕幽州圍薊通鑑一百八十一月丁卯珪引兵南攻鄴章

武王宙自龍城還聞有魏寇馳入薊與鎮北將軍慕容蘭乘城固

守魏別將石河頭攻之不克退屯漁陽通鑑一百八二年燕清河王

會聞魏軍東下表求赴難燕主寶許之使建威將軍餘崇將兵五

千為前鋒崇進至漁陽遇魏千餘騎乃鼓譟直進手殺十餘人魏

騎潰去崇引還始達薊城三月辛亥魏主圍中山壬子夜寶與太

子策等萬餘騎出赴會軍珪使中領將軍長孫肥左將軍李東將

三千騎追寶至范陽不及甲寅寶至薊清河王會帥騎卒二萬迎

於薊南丙辰寶盡徙薊中府庫北趣龍城魏石河頭引兵追之及

寶於夏謙澤會整陣與魏兵戰魏兵大敗通鑑一百九

天興元年三月漁陽羣盜庫儻官韜聚眾反詔中堅將軍伊謂討

之魏太祖紀七月冠軍將軍王建討平庫儻冊府元龜九二年

九月范陽人盧溥聚眾海濱稱幽州刺史攻掠郡縣殺幽州刺史

封沓千十二月辛亥詔材官將軍和突討盧溥通志

明元帝泰常七年十月壬戌幽州刺史漁陽公庫儻官昌征北將

軍關內侯庫儻官提等生擒庫儻官女生縛送京師幽州平魏明元帝

紀

太武帝延和元年七月遣安東將軍奚斤發幽州民及密雲丁零

萬餘人運攻具出南道會和龍通鑑一百三十二

孝文帝太和二十三年十一月幽州民王惠眾聚眾反刺史李肅

捕斬之魏孝文帝紀

宣武帝延昌三年幽州沙門劉僧紹聚眾反州郡捕斬之魏宣武帝紀

孝明帝孝昌元年八月柔元鎮民杜洛周聚眾反於上谷攻沒郡

縣圍燕州九月丙辰以幽州刺史常景為行臺與幽州都督元譚

討之自盧龍塞至軍都關皆置兵守險譚屯居庸關通鑑一百五十二

年四月杜洛周南出鈔掠薊城常景遣統軍梁仲禮擊破之丁未

都督李琚與洛周戰於薊城之北敗沒常景帥眾拒之洛周引還

上谷六月戊寅杜洛周遣都督王曹紇真等將兵掠薊南七月丙

午常景遣都督于景榮等擊之於栗園栗園當在范陽固安縣界大破之斬曹

紇真及將卒三千餘級洛周率眾南趨范陽景與景榮等又破之

十一月丁亥洛周圍范陽戊戌城民降執幽州刺史王延年及行

臺常景送於洛周通鑑百五十一三年賊帥比于麒麟入據幽州魏書北

史無比于二字或是叱干之譌

孝莊帝永安元年十二月葛榮餘黨韓樓復據幽州反魏書按

帝王部招懷二作北魏廢帝中興二年韓樓反於幽州二年九月大都督侯淵討韓樓於

薊破斬之幽州平魏書

建明元年范陽太守盧文偉誘平州刺史侯淵出獵閉門拒之通鑑

百五十四 按淵本領平

州鎮范陽范陽即涿郡

節閔帝普泰元年二月幽州刺史劉靈助起兵於薊侯淵討平之

魏書

東魏 孝靜帝天平四年十二月范陽人盧仲禮等聚眾反 通志

元象元年九月大都督賀拔仁擊破之 通志

北齊

文宣帝天保五年蠕蠕寇范陽范陽盧曾登城射之射出三百步

投弓於外羣虜莫能彎乃去之 通志

武成帝河清三年九月乙丑突厥寇幽州入長城虜掠而還閏月

乙巳突厥寇幽州 北齊武成帝紀

北周

武帝宣政元年四月庚申突厥寇幽州殺掠吏民 周武上大將周

趙郡公柱國劉雄戰歿 通志

閏六月幽州盧昌期據范陽反范陽

王紹義引突厥兵赴之周遣柱國東平公宇文神舉討昌期紹義

聞幽州總管出兵在外欲乘虛襲薊神舉遣大將軍宇文恩將四

千人救之半為紹義所殺會神舉克范陽擒昌期紹義還入突厥

丞相高寶甯帥夷夏數萬騎救范陽至潞河知神舉已屠范陽還

據和龍 通鑑百五十

隋 高祖開皇二年令幽州總管陰壽討高寶甯 通志 三年突厥寇邊

燕薊多被其患幽州總管李崇輒破之 隋書高帝紀

仁壽四年煬帝將發幽州兵疑幽州總管竇抗有貳心令勃海李

子雄馳至幽州止傳舍召募得千餘人抗來詣子雄伏甲擒之遂

發幽州兵步騎三萬自井陘西擊諒通鑑百八十

煬帝大業八年正月辛巳大軍集於涿郡隋煬帝紀九年正月丁丑

徵天下兵募民為驍果集於涿郡隋煬帝紀十二年十二月虎賁郎

將羅藝起兵涿郡通鑑綱目

唐

高祖武德元年竇建德帥眾十萬寇幽州總管羅藝將逆戰上柱

國薛萬均請使羸兵背城阻水為陣以精騎百人伏於城旁俟其

半渡擊之建德竟不能至其城下乃分兵掠霍堡及雍奴等縣藝

復邀擊敗之通鑑一百九十高開道陷漁陽自稱燕王改元始興都漁

陽通鑑一百九十三年五月竇建德遣高世興擊李藝於幽州不克退

軍籠火城藝襲擊大破之十月建德帥眾二十萬復攻幽州建德

兵已攀堞薛萬均薛萬徹帥敢死士百人從地道出其背掩擊之

建德兵潰走李藝兵乘勝薄其營建德陳於營中填塹而出奮擊

大破之建德逐北至其城下攻之不克而還通鑑一百九十一六年五月

癸卯高開道引突厥寇幽州突地稽將兵邀擊破之九月壬寅高

開道引突厥二萬騎寇幽州通鑑一百九十一八年九月丙午右領軍

王君廓破突厥於幽州俘斬二千餘人通鑑一百九十一九年六月盧

江王瑗為幽州大都督舉兵反王君廓斬瑗傳首京師冊府元龜八十三

太宗貞觀十八年十一月征遼之兵大聚於幽州帝將親征冊府元龜一百三

十九年帝征遼二月李勣所領之眾頓於幽州四月丁未

發幽州九月班師十一月次幽州冊府元龜一百三十六

武后神功元年三月戊申詔夏官尚書王孝傑羽林衛將軍蘇宏

暉率兵十七萬討契丹新書北狄傳孫萬榮夜襲檀州敗走俄散兵復

振孝傑死之遼史世表武攸宜軍漁陽震恐不敢進萬榮進攻幽州軍

潰與其奴逃至潞水東為奴所殺通鑑二

聖歷元年八月突厥默啜寇媯檀等州通鑑二

睿宗景雲元年十二月壬辰奚霫犯塞掠漁陽雍奴出盧龍塞而去幽州都督薛訥追擊之弗克通鑑二

先天元年十一月乙酉奚契丹二萬騎寇漁陽幽州都督宋璟閉城不出虜大掠而去通鑑二

元宗開元二十年正月信安王禕及幽州節度使趙含章大破叛奚及契丹於幽州之北冊府元龜十二按舊書元宗降其酋李

詩鎖高等部落五千帳以其地為歸義州因以王詩置其部幽州之偏新書元二十二年張守珪奏副將安祿山於檀州界破奚

賊擒生斬級并獲馬計至數千全唐天寶十四載十一月甲子安祿山發所部兵及同羅奚契丹室韋

凡十五萬眾號二十萬反於范陽命范陽節度副使賈循守范陽

諸將皆引兵夜發詰朝祿山出薊城南大閱誓眾引兵而南遠近震駭通鑑二

肅宗至德元載回紇可汗遣其臣葛囉支將兵入援先以二千騎奄至范陽閉門二日通鑑二

上元二年三月甲午史朝義弒思明即皇帝位密使人至范陽殺史朝清並不附己者數十人其黨自相攻擊城中數月死者數千

人范陽乃定新書代宗廣德元年正月史朝義奔范陽朝義范陽節度使李懷仙已

降遣兵馬使李抱忠將兵三千鎮范陽縣朝義至不得入東奔廣陽廣陽不受欲北入契丹至溫泉柵縊於林中通鑑二百

德宗建中三年四月幽州盧龍軍節度使朱滔反馬燧遣李晟率

張茂昭攻涿州以絕洎援

新書馬燧傳

貞元四年契丹王且羅

原作楷落

犯北邊幽州

遼史世表

十六年八月劉濟弟源為涿州刺史不受濟

命濟引兵與源戰於涿州源敗執之

新書列傳

穆宗長慶元年七月幽州軍亂殺幕僚韋雍張宗元崔仲卿鄭墳

都虞侯劉操押牙張抱元囚張宏靖於別館取朱滔子洄為留後

洄自以年老令軍人立其子克融為留後

通鑑二百四十二

文宗太和四年三月奚寇幽州四月丁未盧龍節度使李再義擊

破之

通鑑二百四十四

武宗會昌二年五月那頡啜

回鶻特勒

帥其眾自振武大同東因室韋

黑沙南趣雄武軍窺幽州徧漁陽節度使張仲武遣其弟仲至將

兵三萬迎擊大破之

通鑑二百四十六

宣宗大中元年幽州大破奚眾

冊府元龜九百八十九

僖宗光啟元年六月幽州節度使李可舉攻定州王處存會燕將

李全忠有奪帥之志軍情相疑全忠方圍易州處存出奇騎以擊

之燕軍大敗全忠收合殘眾攻幽州可舉舉室登樓自焚死全忠

自稱留後

舊書列傳

昭宗景福元年四月幽州將劉仁恭將兵戍蔚州過期未代士卒

思歸會匡籌立戍卒奉仁恭為帥還攻幽州至居庸關為府兵所

敗仁恭奔河東

通鑑二百五十九

乾甯元年十月李克用以太原之眾進攻幽州十二月幽州節度

使李匡籌復發兵出居庸關克用使精騎夾擊之匡籌潰圍而遁

克用進軍幽州其大將請降

通鑑二百六十

二年春正月辛酉幽州軍

民數萬以麾蓋歌鼓迎李克用入府舍克用命李存審劉仁恭將

兵略定巡屬

通鑑二百六十

四年七月晉王徵兵於幽州劉仁恭辭旨

不遜囚行人八月晉王大舉伐仁恭

舊史列傳

哀宗天復三年十月契丹阿保機東掠薊北而去

五代史補編

梁

開平元年三月癸未梁以亳州刺史李思安為北路行軍都統率兵三萬合魏博之眾攻掠幽州盧龍節度使劉仁恭驕侈貪暴常慮幽州城不固築館於大安山四月李思安引兵入其境所過焚蕩無餘己酉直抵幽州城下仁恭猶在大安山城中無備幾至不守會仁恭子守光率兵赴援思安敗退守光遂自稱節度使令部將李小喜元行欽將兵攻大安山仁恭遣兵拒戰為小喜所敗虜仁恭以歸囚於別室

通鑑二百六十六

二年十二月劉守文舉滄德兵

攻幽州劉守光求救於晉李存勗遣兵五千助之丁亥守文兵至

盧臺軍為守光所敗

通鑑二百六十七

三年五月劉守文頻年攻劉守

光不克乃大發兵以重賂招契丹吐谷渾之眾合四萬屯薊州守

光逆戰於雞蘇

在薊州西

為守文所敗守文單馬立於陣前泣謂其眾

曰勿殺吾弟守光將元行欽識之直前擒之滄德兵皆潰

通鑑二百六十七

乾化元年三月契丹阿保機略地薊州

遼太祖紀

八月幽州劉守光

僭稱大燕皇帝年號應天十二月晉遣周德威劉光濬李嗣源及

諸將率蕃漢之兵伐劉守光於幽州

舊史

唐天祐五年正月庚辰朔周德威等自飛狐東下丙戌會鎮定之

師進營燕祁溝關下之戊子圍涿州刺史劉知溫以城降丁酉德

威進迫幽州守光出兵拒戰燕將王行方等以部下四百人來奔

五月乙卯朔德威大破燕軍於羊頭岡擒大將軍單廷珪珪燕驍

將也燕人失之奪氣德威自涿州進軍於幽州營於城下閏月已

西攻其西門燕人出戰敗之

通鑑二百六十八

十年正月丁巳周德威

攻下順州獲刺史王在思

舊史周德威傳

二月甲戌朔攻下安遠軍薊

州將成行言等降於晉丙申晉李存暉攻燕檀州刺史陳確以城

降三月甲辰朔收盧臺軍乙丑收古北口燕居庸關使胡令圭等

奔晉

通鑑二百二十八

四月甲申德威攻幽州南門六月壬申朔帝遣

監軍張承業至幽州與德威議軍事七月承業與德威率千騎至

幽州西辛亥德威進攻諸城門九月劉守光率衆夜出遂陷順州

十月己巳朔守光率七百騎步軍五千夜入檀州庚午德威自涿

州將兵躡之壬申守光自檀州南山而遁德威追及大敗之守光

得百餘騎遁入山谷德威急馳扼其城門守光惟與親將李小喜

等七騎奔入燕城十一月己亥朔晉王親征幽州己未至范陽辛

酉下令諸軍詰旦攻城壬戌梯幢並進軍士畢登帝登燕丹冢以

觀之有頃擒劉仁恭以獻癸亥帝入燕城十二月庚午授德威幽

州節度使癸酉檀州燕樂縣人執劉守光并妻李氏祝氏子繼祚

以獻己卯下令班師庚辰帝發幽州攜仁恭父子以行

舊史劉仁恭傳

十二年六月幽州軍校齊行本及其部曲男女三千人降遼遼主

給其廩食數日亡去幽師周德威納之索之德威語不遜乃議南

征

遼太祖紀

十四年三月辛亥盧文進引契丹兵急攻幽州晉王使

周德威合河東鎮定之兵拒於居庸關之西大敗契丹乘勝進圍

幽州聲言有衆百萬羶車毳幕彌漫山澤盧文進教之攻城爲地

道晝夜四面俱進城中穴地然膏以邀之又爲土山以臨城城中

鎔銅以灑之日殺千計而攻之不止德威遣間使詣晉王告急四

月晉命李嗣源率師赴援又遣閻寶夜過祁溝俘擒而還七月辛

未李存審領軍與嗣源會於易州步騎凡七萬甲午自易州北行

庚子踰大房嶺循澗而行嗣源與養子從珂將三千騎爲前鋒距幽州六十里與契丹遇契丹驚却晉兵翼而隨之契丹行山上晉兵行澗下每至谷口契丹輒邀之嗣源父子力戰乃得進至山谷契丹以萬餘騎遮其前將士失色嗣源以百餘騎先進因躍馬奮槌三入其陳斬契丹酋長一人後軍齊進契丹兵却晉兵始得出李存審命步兵伐木爲鹿角人持一枝止則成寨契丹騎環寨而過寨中發萬弩射之流矢蔽日契丹人馬死傷塞路將至幽州契丹列陳待之存審命步兵陳於其後戒勿動先令羸兵曳柴然草而進煙塵蔽天契丹莫測其多少因鼓譟合戰存審乃趣後陳起乘之契丹大敗席卷其衆自北山去委弃車帳鎧仗羊馬滿野晉兵追之俘斬萬計辛丑嗣源等入幽州周德威見之握手流涕通鑑二十八年十月丙子契丹主率大軍出居庸關十一月癸卯

下古北口丁未分兵略檀順安遠三河良鄉潞等十餘城俘其民

徙內地十二月契丹攻幽州李紹安嬰城自守五代史補編癸亥圍涿

州遼太祖紀冊府元龜云契丹阿保機寇幽州節度使李

刺史李嗣弼降乙亥晉王至幽州遣二百騎躡契丹軍後反擊悉

擒之己卯還次檀州幽帥來襲擊走之遼太祖紀按遼史拾遺

陽懷柔密雲等縣皆爲所陷俘其民而歸置州縣以居之不改中國州縣之名十九年庚申契丹主復

徇幽薊地四月甲寅攻薊州戊午拔之十一月壬寅略地薊北遼

紀後唐

莊宗同光元年閏四月甲午契丹寇幽州通鑑二百七十二年契丹

主遣兵略地燕南五月契丹屯幽州東南城門之外虜騎充斥饋

運多爲所掠通鑑二百七十二按舊史李瓊傳云同光二年明

宗受詔以本部兵送糧入薊門時後晉高祖從行至

頁

涿州與敵相遇高祖陷於圍中瓊顧諸軍已退密牽高祖鐵衣指
東而遁至劉李河為敵所襲瓊浮水先至南岸高祖至河中馬倒
順流而下瓊以所執長矛援高祖出之又以所跨馬奉高祖瓊徒步護之奔十餘里乃入涿州十月幽州奏契丹
入寇至近郊十一月契丹蕭阿古只寇幽州十二月乙巳命宣武
節度使李嗣源將宿衛兵三萬七千人如幽州禦契丹通鑑二百七十二

三年正月契丹寇幽州二月丙子李嗣源奏涿州東南殺敗契
丹生擒首領三千人通鑑二百七十二

明宗天成元年七月丁丑鎮州留後王建立奏涿州刺史劉殷肇
不受代謀作亂討平之八月庚子幽州奏契丹寇邊舊唐明宗紀

年三月出奉節等九指揮三千五百人使軍校龍陞部之戌盧臺
軍其衆譟於營外副招討使房知温與馬軍指揮使安審通合謀

擊亂兵亂兵遂南列炬宵行疲於荒澤詰朝騎兵四合擊之亂兵
殆盡通鑑綱目四月幽州節度使趙德鈞令衙校常玉破奚於檀州

奪漢民四十擒生奚二冊府元龜二百十三年契丹救定州敗走道路

泥瀋人馬饑疲入幽州境八月壬午節度使趙德鈞奏於府西邀
殺契丹敗黨數千人舊史唐明宗紀

遼太宗會同五年晉鎮州節度使安重榮輕騎掠幽州南境之民通鑑二百

七年十二月癸卯南伐甲子次古北口遼太宗紀九年遼主
還自虎北口聞晉取秦州復擁衆南向丁巳薊鋒至涿州冊府元龜百十

八月自將南伐九月壬辰閱諸道兵於漁陽西棗林淀遼太宗紀

穆宗應歷八年四月甲寅南京留守蕭思溫攻下沿邊州縣遼穆宗紀

九年周治舟師北伐鄜州節度使田景咸為淤口部署以右神
武統軍李洪信為合流口部署以前鳳翔節度使王晏為益津關
一路部署冊府元龜九百八十七辛丑至益津關守將終廷暉以城降之通鑑

二百九十四 五月淤口關降五代史補丙午議取幽州趣先鋒都指揮使劉

重進先發據固安是夜周主不豫乃止以益津關為霸州割文安

大城二縣隸之是日周先鋒都指揮使張藏英破遼兵數百騎於

瓦橋關北攻下固安縣發濱棣二州丁夫城霸州舊史周世宗紀十三

年正月宋城益津關遼人知之南京留守高勳上書請假巡徼擾

其境遼主然其奏命勳及統軍使崔延勳以兵擾之乃不果城八

月己亥幽州岐溝關使柴廷翰等降宋續通鑑三十四年宋主晉陽

命密州防禦使馬仁瑀率眾巡邊至上谷漁陽續通鑑四

乾亨二年宋主復自將伐遼丙寅次金臺頓遼境也丁卯至岐溝

關戊辰次涿州判官劉厚德以城降遼兵在涿州東孔守正與傳

潛分兩陣馳擊之逐北二十餘里乙巳次鹽溝頓庚午次幽州城

南駐蹕寶光寺遼軍城北宋師奮擊走之王申宋主部分諸將攻

城定國節度使宋渥攻其南面河陽節度使崔彥進攻北面彰信

節度使劉遇攻東面定武節度使孟元喆攻西面命宣徽南院使

潘美知幽州行府事遼南京權留守韓德讓懼甚與知三司事劉

宏登城日夜守禦而城外招脅甚急人懷二心會迪里都舊作鐵林都

都指揮使李扎勒燦舊作李扎盧存出降城中益懼遼御蓋耶君耶律學

古聞南京被圍急救之圍師方嚴乃穴地以進偕韓德讓等整器

械安反側隨宜備禦志不少懈宋兵三百餘人乘夜登城學古戰

卻之益修守備以待援師秋七月庚辰遼建雄節度使劉延素降

宋壬午遼薊州知州劉守恩降宋癸未遼耶律沙以援師至戰于

高粱河宋師擊之沙敗走會薄暮休格原作休哥自間道馳至人持兩

炬宋師不測其多寡有懼色休格與色珍原作斜軫合軍分左右翼奮

擊休格被三創戰益力學古聞援師大集開門列陳四面鳴鼓居

民大呼聲震天地休格乘之宋師大敗宋主乘驢車南走續通鑑十

五年冬十一月辛巳遼主將南伐癸未次南京庚寅次固安十一

月庚子朔宋兵夜襲營戰卻之遼景宗紀

聖宗統和四年宋曹彬與遼兵戰固安南克其城辛巳克涿州遣部將李繼宣等領輕騎渡涿河覘敵勢乙酉遼將率眾攻繼宣破之遼南京留守耶律休格以兵少不出戰夜則令輕騎掠單弱以脅餘眾晝則以精銳張其勢設伏林莽絕宋糧道彬留十餘日食盡乃退師雄州復裹糧再往攻涿州時遼主次州東五十里令休格與蒲領等以輕兵薄宋師宋師且行且戰凡四日始得至涿時方炎暑軍士疲乏所齎糧不繼乃復棄之令盧斌兼擁城中老幼竝狼山而南彬等以大軍退無復行伍遂為休格所躡五月庚午至岐溝關遼兵追及之宋師大敗彬等收餘軍宵涉巨馬河營於

易水之南李繼宣力戰巨馬河上遼兵始退追奔至孤山方涉巨

馬河人畜相蹂踐而死者無算宋知幽州行府事劉保勳馬陷淖

中其子利涉救之不能出遂俱死休格收宋尸以為京觀續通鑑十三

十一月己亥宋田重建攻陷岐溝關宋太宗紀六年九月庚戌遼

主次涿州射帛書諭城中降不從十月乙卯縱兵四面攻之城破

乃降因撫諭其眾辛巳奚王壽遼史甯敗宋師於益津關續通鑑四十

十一月丁未宋軍千人出益津關擊走之遼聖宗紀十三年三月

戊辰武清縣百餘人入宋境剽掠命誅之還其所獲人畜財物遼聖

宗紀十九年十月己亥南伐壬寅次鹽溝十一月丙子宋兵出淤

口益津關來侵擊敗之遼聖宗紀二十二年九月己未南伐癸亥次

固安遼聖宗紀

太平八年二月戊子燕京留守蕭孝穆乞於拒馬河接宋境上境

成長巡察詔從之

遼聖宗紀

天祚帝保大二年正月癸酉金人破遼中京遼主出居庸關

續通鑑九

四三月丙子遼立燕王湄為帝五月宋宣撫使童貫遣种師道等

率兵來伐辛興宗總西路兵趨范村在涿州西南六月燕王湄遣大石

林牙領兵屯涿州益兵二萬遣蕭幹統之迎戰於范村甚力湄死

蕭幹等立其妻蕭氏九月己卯遼將郭藥師以涿州降宋

宋徽宗紀按

北盟會編云遼人都管押常勝軍涿州留守郭藥師囚涿州刺史

蕭餘慶遣團練使趙鶴壽帥精兵入千鐵騎五百一州四縣來降

九朝編年備要云郭藥師以涿州來降以其軍八千隸劉延慶為鄉導十月庚寅攻破牛欄寨及歸

義安城固安威城良鄉武清安次清化潮陰潞三河等縣及景薊

等州北盟會編癸巳童貫遣劉延慶將兵十萬出雄州以郭藥師為鄉

導渡白溝至良鄉蕭幹率眾來拒延慶與戰而敗續通鑑九十四藥師獻

謀曰契丹四軍以軍師抗我則燕山可以擣虛而入宜選輕騎由

固安渡盧水至安次徑赴燕城北盟會編延慶遣大將高世宣楊可世

與藥師率兵六千夜半渡盧溝倍道而進質明常勝軍甄五臣領

五千騎奪迎春門以入藥師等繼至陳於憫忠寺續通鑑九十四遣七將

把諸門進兵抵宣和門外遼史拾遺遣人諭蕭妃速降蕭妃密報蕭幹

幹舉精甲三千還燕巷戰藥師失援而敗延慶營於盧溝南續通鑑九十四

四聞燕城復失又瑠璃河護糧將王淵亦失陷求自遁之計召諸

將諸諭以糧餉不繼不即引退久恐生變次日燒營及輜重奔還

師大潰遼史拾遺幹因縱兵追至涿水而去續通鑑九十四十二月壬午遼人

四軍蕭幹復攻涿州安次固安兩縣陷之北盟會編丁亥郭藥師敗蕭

幹於永清縣戊子金主自將伐燕京遼人以勁兵守居庸關羅索

為左翼博勒和為右翼取居庸關金兵度關而南辛卯金主至燕

京自南門入蕭妃與蕭幹自古北口趨天德

續通鑑九十四

宋

宣和五年四月壬辰金使楊樸宋史作璞齎書以燕京及涿易檀順景

薊六州來歸庚子童貫蔡攸入燕山府燕之金帛子女職官民戶

為金人席卷而東損歲幣數百萬所得者空城而已續通鑑九十五六

月蕭幹兵出盧龍嶺又敗常勝軍於石門鎮攻陷薊州遼史拾遺七

年十月甲辰金主詔諸將南伐自南京入燕山路通鑑九十五十一

月幹離不軍至燕山府鹽場大金國志十二月戊戌破檀州己亥破

薊州甲辰宗望至三河破郭藥師兵四萬五千於白河蒲苧敗宋

兵三千於古北口宗望至燕山藥師率軍郊迎之執蔡靖及都轉

運使呂頤浩副使李占權以降于是燕山府所屬州縣皆屬於金

矣通鑑九十五

金

天會四年高彪再從宗望伐宋復破敵於霸州金史高彪傳不著何年

以太宗本紀及宗望傳參考之斷為天會四年

世宗大定二年六月戊寅詔居庸關古北口譏察契丹姦細己卯

命萬戶溫特赫阿魯岱原作溫迪罕阿魯帶率兵四千屯古北口薊州石門

關八月乙丑幹罕寇古北口殺傷士卒甚眾續通鑑一百三十七

衛王大安二年蒙古石抹醜奴攻取檀順等州及昌平紅螺平頂

諸砦又兩敗金兵於邦君甸元史石抹醜奴傳三年九月蒙古兵薄居

庸關守將完顏福壽遁去哲伯遂入關中都戒嚴續通鑑一百五十九是時

昌平密雲皆歸於元金衛紹王紀

至甯元年五月呼沙呼一作胡沙虎領武衛軍三千人屯通元門外金

紹王紀七月蒙古乘勝至古北口進拔涿遂取居庸續通鑑一百

元史作七月進兵趨涿鹿出紫

荆關敗金師於五迴嶺拔涿州

宣宗貞祐元年八月治中福哈原作福海別將兵屯城北辛卯呼沙呼

矯詔誅反者招福哈執而殺之奪其兵壬辰自通元門入先遣一

騎馳抵東華門大呼曰達勒達至北關已接戰矣既又遣一騎往

亦如之乃使其黨圖克坦金壽召南平南平行至廣陽門執中手

槍刺殺之并殺穆延符寶祇候善延舊作鄯陽護衛十夫長完顏實古

訥聞亂遽召漢軍五百人赴難與執中戰不勝皆死之執中至東

華門門閉金主遣其子蔣王持詔書投於門下募能殺執中者白

身除大興尹世襲千戶軍民無應者執中欲縱火焚門護衛色塔

奇爾舊作烈乞兒開門納之執中進至大安殿金主遙呼曰聖主令臣

何往執中曰歸舊邸耳金主退入後宮執中盡以其黨易宿衛自

稱監國都元帥居大興府陳兵自衛續通鑑一百五十九十月辛亥提點

近侍局慶善努舊作慶山奴副使惟弼奉御惟康請除執中金主念援

立功隱忍不許執中遣果勒齊出戰輒敗執中欲斬之金主諭免

執中乃益其兵戒之曰勝則贖罪不勝斬汝矣辛亥果勒齊出戰

自夕至曉北風大作吹石揚沙不能舉目金兵大潰果勒齊自度

必為執中所殺乃以亂軍入中都圍執中第執中聞難彎弓注矢

外射不勝登後垣欲走衣絰墮而傷股軍士就斬之果勒齊取其

首詣闕請罪金主赦之續通鑑一百六十元兵下涿州金宣宗紀史天祥取

霸州文安大城等二十餘城中都戒嚴蒙古穆呼哩元史作統兵

侵金所向殘破十二月蒙古兵屯金中都城北續通鑑一百六十二年

正月李英乘夜與壯士李雄郭仲元等四百九十人出中都城緣

西山進至佛巖寺令雄等下山招募軍民旬日得萬餘人擇衆所

推服者領之詭稱土豪屢與蒙古兵戰被創召還三月蒙古主還

自東山屯燕城北金元帥右都監內族額爾克率兵五千護糧通

州遇蒙古兵輒潰四月蒙古主引歸出居庸關五月金主以國蹙兵弱不能守中都決意南遷命平章政事都元帥承暉尙書左承穆延盡忠奉太子留守中都蒙古主聞之復圖南侵金主至良鄉命扈衛亂軍元給鎧馬悉復還官亂軍怨之殺其主帥而推札達貝實勒札拉爾三人爲帥北還承暉聞變以兵阻盧溝札達擊敗之遣使乞降於蒙古蒙古主遣舒穆魯明安及織格巴圖援之入古北口徇景薊檀順諸軍明安等遂與札達合兵偪中都續通鑑一百六三年正月金元副元帥富察齊錦以通州降三月金主遣左監軍承錫左都監慶壽將兵三萬九千御史中丞李英運糧大名行省富珠哩德裕調遣繼發以救中都承錫軍至涿州之旋風寨與蒙古兵遇而潰李英收清滄義軍數萬以進遇蒙古兵於霸州大敗盡失其所運糧慶壽軍聞之亦潰四月舒穆魯明安攻金之

萬甯宮克之取富昌豐宜二關拔固安五月庚申穆延盡忠棄城走蒙古兵入城戶部尙書任天寵知大興府高霖皆及於難宮室爲亂兵所焚續通鑑一百六十

興定元年夏元察罕破金監軍瓜爾佳一作夾谷於霸州元太祖紀

元世祖中統元年五月徵諸路兵三萬駐燕京近地元世祖紀二年十

月命平章政事趙璧等率蒙古漢軍駐燕京近郊又選銳卒三千付史樞管領於燕京近郊屯駐指揮使李伯祐率餘兵屯潮河川元世祖紀

文宗天歷元年八月丁未雅克特穆爾遣其弟薩都守居庸關騰吉斯屯古北口壬子托克托穆爾帥其軍自上都來歸卽命守古北口癸丑上都諸王以兵分道攻大都九月庚申朔雅克特穆爾

督師居庸關己巳遣薩都拒遼東兵於薊州東流沙河敖拉守居

庸關元文宗紀甲戌詔雅克特穆爾將兵出薊州拒圖們岱爾帖木兒

乙亥上都旺沁兵襲破居庸關將士皆潰雅克特穆爾軍次三河

丙子旺沁游兵至大口雅克特穆爾還軍次榆河帝出齊化門視

師辛巳雅克特穆爾與上都軍大戰於白淤之野在昌平州東南敗之癸

未旺沁等收集散亡復來戰雅克特穆爾列陣白浮西敵不敢犯

至夜薩都托克托穆爾前後夾攻敗走之追及於昌平北元史列傳作昌

平栗圍斬首數千級降者萬餘人乙酉上都兵入古北口將士皆潰

其知樞密院準台以兵掠石槽在順義縣西北丙戌雅克特穆爾先遣薩

都倍道趣石槽掩其不備擊之自將大軍繼其後轉戰四十餘里

至牛頭本紀作牛欄山降者萬人餘軍奔竄夜遣薩都出古北口逐之

托克托穆爾與遼東兵戰薊州南殺獲無算丁亥圖們岱爾及諸

王額森特穆爾陷通州將襲京師續通鑑二百四十月己丑朔雅克特

穆爾引兵至通州擊遼東軍敗之皆渡潞水走忽刺台等兵自紫荆關

進徧涿州至良鄉游兵犯南城雅克特穆爾及陽翟王太平國王

多羅岱等戰於檀子山之棗林薊州地死者蔽野甲午托克托穆爾

章吉特與額森努爾合擊敵軍於良鄉南轉戰至盧溝橋呼喇台

即忽刺台被創據橋而宿乙未雅克特穆爾等帥軍循北山而西趣良

鄉時諸將與呼喇台阿刺帖木兒等戰於盧溝橋聲言雅克特穆

爾大軍至敵兵皆遁己亥圖們岱爾軍復入古北口雅克特穆爾

引兵禦之大戰於檀州南元史列傳有桑口二字敗之元史紀事本末

順帝至正七年四月通州盜起續通鑑二百九十八年三月庚戌毛貴

由山東北犯陷薊州詔察罕帖木兒以兵屯涿州元史紀事本末乙卯犯

灤州至棗林已而略柳林畿輔唐志云棗林在通州南柳林在故灤縣西按此棗林與前檀子山之棗林

確係 蹂躪旬 續通鑑二 十九年春京師戒嚴諸將貪暴師冗無

律數百里掠人為糧郡邑多殘毀惟涿未破豎將矯命利其有以

三月戊午遽入據之民之膏其鼎鑊者日以千百計居十有五日

而去 涿州志 二十年四月己巳涿州城陷 涿州志 二十四年四月

壬寅圖沁特穆爾兵入居庸關甲辰皇太子率侍衛兵東走古北

口乙巳圖沁特穆爾兵至清河 在宛平縣西北 列營六月白鎖住 原作以

兵至京師七月丙戌博囉特穆爾前鋒軍入居庸關皇太子率軍

禦於清河伊蘇 原作也速 軍於昌平軍士皆無鬪志皇太子馳還都城

白鎖住又將二萬騎屯漁陽為朝廷聲援 元順帝紀 二十五年孛羅

帖木兒調伊蘇率兵南禦伊蘇軍次良鄉不進孛羅帖木兒遣兵

往討軍過通州白河水溢不進進駐虹橋築壘以待伊蘇覬知之

襲破其軍孛羅帖木兒大恐自將討伊蘇至通州大雨三日乃還

元順帝紀 二十八年閏月癸亥明徐達常遇春大敗元軍於河西務

進克通州丙寅帝御清甯殿議避兵北行夜半開建德門北走 積

鑑二百 八月庚午達陳兵齊化門填濠登城 明史徐達列傳

明 太祖洪武元年克元都遣將巡古北口諸隘守盧溝橋 明史傳有德傳

二年二月庚辰元丞相伊蘇侵通州將萬騎營於白河守將曹良

臣出精騎逐北百餘里六月元伊蘇復侵通州命常遇春以所部

軍禦之伊蘇遁薊北悉平 明史紀事本末 六年命徐達等帥師鎮北平

遣將掩捕武平章等於懷柔縣之三角村 資治通鑑綱目三編

惠帝建文元年七月癸酉燕王棣舉兵反通州遵化密雲相繼降

燕丙子燕兵陷薊州 明建文紀 八月己酉燕王率師至涿州壬子屯

於樓桑十月辛亥李景隆進渡盧溝橋圍北平十一月辛未景隆

及燕兵戰於鄭村壩今名東壩敗績十二月薊州鎮撫曾濬起兵攻北

平不克死之明史紀事本末二年四月燕王率諸將進駐固安乙卯渡

拒馬河駐營蘇家橋八月燕兵北歸平安及燕京李彬戰於楊村

敗之明史紀事本末三年七月平安自真定率兵攻北平營於平村離

城五十里擾其耕牧明惠帝紀

英宗正統十四年七月衛拉特分道入寇帝親征八月師還潰於

土木額森以帝北去時京師疲卒羸馬不滿十萬于謙請速召勤

王兵誓以死守以羅通為兵部侍郎提督守備居庸關通上言聞

敵送駕回恐因之入寇大小關口宜各增兵仍命大將一人統兵

三萬分駐十營於關外從之通鑑輯覽一百四十月額森挾上皇破紫

荆關過易州至良鄉進次盧溝橋額森列陣至西直門上皇止德

勝門外明日額森擁上皇登土城于謙亟分遣諸將率師二十二

萬列陣九門外謙自與石亨率副總兵范廣武興陳德勝門外庚

申寇窺德勝門額森弟博囉平章茂諾海中斃死寇轉至西直門

都督孫鏜禦之武興擊寇彰義門寇且卻又聞勤王師且至恐斷

其歸路遂擁上皇由西鄉西去餘寇之未出關者分屯畿內四出

剽掠明史紀事本末詔鏜副總兵楊洪追之戰於涿州深溝追擊至霸州

又破餘虜於固安明史孫鏜傳

英宗天順五年七月太監曹吉祥及其養子欽反內廷集兵縛吉

祥欽攻東長安門不得入轉攻東安門懷甯伯孫鏜討之欽敗死

吉祥伏誅綱目三編

武宗正德四年九月畿南盜起固安永清霸州文安地方京衛屯

軍邀路劫掠號饗馬盜聚黨益熾明史紀事本末五年十月霸州降盜

劉六劉七復叛明史紀事本末六年正月劉六劉七聚眾劫掠畿南州

縣六月楊虎等由河北入山西東抵文安六七等踰山東河南出湖廣江西仍由故道入長清齊河等縣直抵霸州八月詔兵部侍郎陸完討之行及涿州忽傳賊且徧京師還軍入衛遂直趨固安通州衛指揮雷通擊劉六等於八里橋副總兵許泰游擊卻永等敗楊虎等於霸州賊南走京師始解嚴指揮賀勇等再敗賊於信安已而六復趨霸州完擊破之明史紀事本末七年正月劉六等復攻霸州陷大城京師戒嚴完皆大敗之先後禽斬二千六百餘人賊率三百人北走沿途招聚勢復張剽香河寶坻轉攻武清間道馳至河西務明史紀事本末九年八月辛丑小王子犯薊州白羊口明武宗紀十一年七月乙未小王子犯薊州白羊口明武宗紀世宗嘉靖二年正月丁卯小王子犯沙河堡五月庚午小王子犯密雲石塘嶺明世宗紀二十二年十月朵顏入寇攻圍昌平之慕田

峪綱目二十三年朵顏侵薊州塞明史紀事本末諳達犯懷柔縣之大

水谷綱目二十九年八月諳達入薊州塞乙亥至古北口以數

千騎攻牆別遣精騎循潮河州南下由石匣營達密雲轉掠懷柔圍順義長驅入內地至通州營白河東二十里分剽昌平三河犯諸陵京師戒嚴分遣文武大臣各九人守京城九門辛巳自通州渡河而西直薄東直門前鋒七百騎駐安定門外教場明日薄都城分掠西山黃村沙河大小榆河癸未轉掠良鄉以西縱橫內地八日乃整輜重從容趨白羊口而去至昌平北猝與仇鸞兵遇敵縱騎蹂陣而入殺傷千餘人寇騎至天壽山總兵官趙國忠列陣紅門前不敢入奪道循潮河川由古北口故道出京師解嚴明史紀事本末三十三年秋巴圖爾十餘萬騎犯薊鎮攻牆總督薊遼保定軍務楊博環甲宿古北口城上寇攻四晝夜不得入乃並攻孤山

口登牆官軍斷一人扼乃退屯虎頭山博募死士夜以火驚其營

寇擾亂比明悉去明史楊博列傳三十四年二月諳達犯薊鎮參將趙

傾葵等戰死明世宗紀三十六年寇薄通州總兵官馬芳入衛令專

護京師明世宗紀三十八年二月錫林阿寇灤河大掠遵化薊州駐

內地五日京師大震明世宗紀三十九年錫林阿犯薊州游擊胡鎮

禦卻之明世宗紀四十二年十月錫林巴圖爾擁眾窺薊州明世宗紀虜

馬至平谷縣城下知縣任彬殪其酋二人明萬曆沈志時寇由牆子嶺

磨刀峪潰牆入犯大掠順義三河直趨通州寇阻白河水從通掠

香河徐階請亟先備順義而以奇兵徼之古北口寇果趣順義不

得入乃走古北口總兵官姜應熊禦之密雲頗有斬獲明史徐階傳

四十三年正月壬辰土蠻黑石炭寇薊鎮總兵胡鎮參將白文智

禦卻之明世宗紀

神宗萬曆三十六年十二月朵顏察罕之子賚琿岱與其從父莽

吉勒潛入薊鎮大掠河流口參將馬棟等不能禦時援師所過居

民驚為敵至逃入京師者日數萬九門盡閉綱目三編

熹宗天啟元年三月丁卯京師戒嚴戊寅募兵於通州明熹宗紀

莊烈帝崇禎二年三月戊寅薊州兵變有司撫定之明莊烈帝紀九

月

大清兵圍薊州十月越薊州而西徇三河臨順義城進至通州渡

河駐營城北遂取張家灣十一月二十日薄都城駐德勝門外營

於城北土城關之東甯遠巡撫袁崇煥錦州總兵祖大壽屯沙窩

門外東華錄

大清兵自德勝門移營循海子而南趨良鄉分道攻固安陷之固

陳還軍至盧溝橋營於京城西北隅東華錄山西巡撫耿如杞以兵

入援譚於涿州大掠良鄉明季北略十二月丁丑克香河縣東華錄按香

河劉志云己巳城破而明史謂三年庚午正月克香河疑誤十五日南薄永定門大同總兵官

滿桂及前總兵官孫祖壽等死之明史滿桂傳

上與大貝勒等往視薊州情形會山海關步兵來援遇於城外二

里悉擊殲之東華錄九年七月

大清兵攻居庸關己酉間道過昌平降丁內應城陷庚戌引還良

鄉丁巳攻寶坻城破寶坻洪志殺知縣趙國鼎癸亥入房山明季北略八

月己卯分克文安永清密雲東安乙酉攻香河回涿州偪城是日

有援師自涿取道潞河相遇於隄外對陣城上助以大礮擊傷甚

衆拋棄雲梯數百難民乘敗而歸籍者千萬計涿州吳志陷順義知縣

上官蓋自經又下大城明季北略十一年九月

大清兵從密雲東北牆子嶺口毀牆分四路入遇明總督吳阿衡

兵六千敗之按明史作十年九月入牆子嶺青口山殺總督吳阿衡至營城石匣駐於牛欄遂入牆子嶺

西黑峪關曹家寨古北口牆子嶺東將軍石黃岩口東華錄敗閣部

劉宇亮等兵於通州河上昭勳公圖賴事略十一月辛酉京師閉門守

癸亥由盧溝橋趨良鄉涿州分兵南下文安知縣王鑰訓導郭養

性主簿安衡典史湯國紀皆死綱目三編十二年三月

大清兵毀邊關而入兩翼兵會於通州河西由北邊過燕京自涿

州分兵一沿山下一沿運河縱兵前進燕京迤西千里內俱已蹂

躪東華錄

十五年十一月金大清兵大舉入塞敗明兵於密雲庚寅入薊州全城被屠薊州沈志

閏月癸卯入霸州永清城失守永清續志乙巳入文安圍寶坻歷九日

城中帖然堅不下寶坻洪志都統武賴敗明兵於三河滿洲名臣傳十六

年夏復攻寶坻守如故寶坻洪志

大清兵北旋至懷柔薊遼總督趙光忭合唐通白廣恩等八鎮兵
邀戰於螺山皆潰綱目三編十七年三月初一日昌平兵變官衙民

舍焚劫殆盡撫臣何謙捕斬亂首撫之甲申傳信錄按明季北

舍空一李自成偽牒兵部約戰言三月十日至兵部執牒者則京師

人自涿州還值逆旅客子十金代投以爲詐斬之明史紀事本末初四日

命襄城伯李國楨練京營兵守西直門初五日調宣府太監杜勳

山海關總兵唐通協守居庸關十三日賊至居庸唐通杜勳叛盡

獻帑餉撫臣何謙帶罪協守居庸逃去十四日居庸關陷起用舊

司禮監太監曹化淳督守彰義門十五日京城九門俱閉十六日

賊由紅門川突攻昌平州甲申傳信錄甲辰黎明昌平陷明季北略賊分兵

掠通州糧儲明史紀事本末賊犯十二陵焚享殿伐松柏自西山連營達

沙河無隙地是夜賊自沙河而進直犯平則門城外三大營皆潰

降十七日賊分兵東至高碑店西薄西直門甲申傳信錄十八日早黃

沙障天忽而淒雨苦風良久冰雹雷電皆至明季北略午刻雨止緩寇紀略

補賊遺駕飛梯攻西直平則德勝三門甲申傳信錄旋攻彰義門甚急緩寇紀略

亦隨破十九日丁未五鼓賊攻正陽門未克黎明齊化阜成宣武

正陽各門同時俱啟內城陷帝登萬歲山之壽皇亭自經於海棠

樹下賊入城內者悉登城是時自成騎兵破西直門馳至西華門

宋獻策導自成以午刻由德勝門入先是叛監杜勳從德勝門射

書約降故開門以待甲申傳信錄二十日賊盡放兵馬入城亂入人家

望高門大第卽入據之明季北略李自成入宮問帝所在大索宮中不

得明史紀事本末二十一日得先帝音問縊於煤山賊遣太監市柳木棺

枕以土塊停於東華門外二十三日改殯先帝后出梓宮二設祭

駕幸木蘭天里教匪大興林清於九月十五日使其黨二百餘人由宣武門潛入內城分犯東華西華門東華門甫入數賊卽爲護軍關門格拒奔散其由西華門入者八十餘賊反關以拒官兵賊得內監鄉導已知內監鄉導大內在西而誤由尙衣監尙衣監文穎館斬關入侍衛急閉隆宗門賊至不得入總管太監常永貴縛由東華門先入之二賊於蒼震門皇子等在上書房聞變皇次子急命進撒袋烏銃腰刀命諸太監登垣以望俄有手白旗攀垣將踰

養心門入者

皇次子發烏銃殪之再發再殪賊乃不敢越垣而進將火

隆宗門而留守京師諸王大臣率禁兵自

神武門入衛敗賊

中和殿門外先後就禽並禽通賊諸內監十七日禽林清於黃村

十九日

駕還宮

御瀛臺親訊首逆及通賊太監皆磔之傳首畿內聖武記

咸豐三年粵匪竄入直境以科爾沁親王僧格林沁爲參贊大臣

統察哈爾暨京營兵駐涿州南關相機進剿涿州續志八年重修大

沽礮臺因將大沽迤北之北塘礮臺亦加修補五月十七日喚喇

喇兵船抵大沽口外二十五日兵船十餘隻連檣而進遽樹紅旗

直隸河口直隸提督史榮椿在南岸中礮臺駐守副將龍汝元在北岸前礮臺駐守奮勇先登親然巨礮擊中夷船榮椿等先後中礮亡合營悲憤勇氣百倍擊沈英船多隻傷斃英兵數百名米利堅旋由北塘進口互換和約甯河丁志十年八月英法兵自北塘登陸通州武清均被擾犯勝保戰於八里橋敗績

圓明園火通州高志

同治六年捻匪由山西竄直隸兵部侍郎恩承統帶神機營兵駐涿州南關防剿涿州吳志歲歉梟匪乘機煽動六月初擾永清境燒毀民居十月二十八日突入李家口等村大肆焚掠永清續志

華陽吳祖椿校

故事志四

光緒順天府志六十八

學派

黃岡洪良品纂江陰繆荃孫覆輯

商瞿受易聖門三傳而得周醜子家是為北學之始韓詩盧禮並峙兩京授受淵源迄今可數我

朝隆儒崇道魁士輩出京師為首善區

聖教之所涵濡經師之所傳述王或庵衍顏李之緒朱笥河紹許鄭之宗枝系師承彬彬盛矣體例略仿宋元學案節錄精義具見宗旨事蹟詳於人物著述錄於藝文茲不復述志學派

燕

周醜

燕周醜子家宋翔鳳過庭錄云當為六國時人

自魯商瞿子木受易孔子以授魯橋庇子庸子庸受江東馯臂
子弓子弓授燕周醜子家子家授東武孫虞子乘子乘授齊田
何子襄漢儒林傳按史記孔子弟子傳作瞿傳楚人馯臂子
于人光子乘羽羽傳齊人田子莊何授受不同
姓名亦異荀氏漢紀陸氏釋文序錄並同漢書

漢

易 韓嬰 孫商 韓生

嬰見先賢傳

韓生亦以易授人推易意而為之傳燕趙間好詩故其易微唯
韓氏自傳之後其孫商為博士孝宣時涿郡韓生其後也以易
徵待詔殿中曰所受易即先太傅所傳也嘗受韓詩不如韓氏
易深太傅故專傳之漢儒林傳

七日來復傳云極六位而反於坤之復其數七日其物陽也漢
傳朱子發云京房日六爻反復之稱陸續注京房易傳日六陽
涉六陰又七爻在初故稱七日日亦陽也與此義同

九二井谷射鮒傳云井中蝦蟇呼為鮒魚正義朱子發云井為五
月之卦蠓蝮鳴故曰蝦蟇荃孫按子夏易即

詩 韓嬰

嬰推詩人之意而作內外傳數萬言其語頗與齊魯間殊然歸
一也淮南賁生受之漢儒林傳

韓嬰之書今但存其外傳非嬰傳詩之詳者而其遺詩時見於
他書與毛之義絕異而人亦不信去聖既遠誦習各殊至於考
風雅之正變以知王政之興衰其善惡美利不可不察焉歐陽

集

漢志十篇內傳四外傳六隋止存外傳析十篇其及於經蓋寡而其遺說往往見於他書如透迤郁夷之類其義與毛詩不同

晁公武讀書志

外傳雖非其解經之詳斷章取義要有合於孔門商賜言詩之

旨况文辭清婉有先秦風學者安得不宗尚之元錢惟善外傳序

韓嬰處乎漢孝文之世遭秦火絕學之餘迺能衍詩作傳命意

布詞一做孔門之文凡諸詩言約旨遠者悉肆力極致上推天

人之理下及萬物之情以盡其意文則嚴整簡古厲世範俗皆

順於道宛然聖門家法元陳明外傳序

劉德然漢書禮書列傳禮應作禮記說見藝文

盧植蜀先主劉德然漢書禮書列傳禮應作禮記說見藝文

高誘

植誘見先賢傳

盧植與鄭元俱事馬融能通古今學好研精而不守章句作尙

書章句三禮解詁後漢書列傳荃孫按三

先主姓劉諱備字元德年十五母使行學與同宗劉德然遼西

公孫瓚俱事故九江太守同郡盧植蜀志

漢末涿郡高氏誘少受學於同縣盧侍中子幹嘗定孟子章句

作孝經呂氏春秋淮南諸解訓詁悉用師法盧見曾戰國策序

臣少從通儒故南郡太守馬融受古學頗知今之禮記特多回

穴臣前以周禮諸經發起批繆敢率愚淺為之解詁而家乏無

力供繕寫上願得將能書生二人共詣東觀就官財糧惠心研

精尙書章句攷禮記得失庶裁之聖典刊正碑文古文科斗近

於為實而厭抑流俗降在小學中興以來通儒達士班固賈逵鄭興父子并敦悅之今毛詩左氏周禮各有傳記其與春秋相表裏宜置博士為立學宮以廣聖意後漢列傳誘尤精音讀其解呂氏春秋淮南二書有急氣緩氣閉口籠口之法蓋反切之學實始於高氏而孫叔然炎在其後戰國策序

魏

盧景裕一弟辨

景裕辨見先賢傳

魏末大儒徐遵明門下講鄭玄所注周易遵明以傳盧景裕景裕傳權會郭茂權會早入鄴都郭茂恆在門下教授其後能言易者多出郭茂之門北史儒林傳序錄

盧辨博通經籍以大戴禮未有解詁乃注之其兄景裕謂曰昔侍中注小戴今爾注大戴庶纂前脩矣周儒林傳

景裕注周易尚書孝經論語禮記老子其毛詩春秋左氏未訖齊文襄王入相於第開講招延時儒令景裕解所注易景裕理義精微吐發閑雅時有問難或相詆訶大聲厲色言至不遜而景裕神彩儼然風調如一從容往復無際可尋由是士君子嗟

美之魏儒林傳

元

趙復

王粹
趙矩

復粹均見僑寓傳

復至燕以所學教授學子從者百餘人楊惟中建太極書院請

復講授其中復以周程而後其書廣博學者未能貫通乃原義
農堯舜所以繼天立極孔子顏孟所以垂世立教周程張朱所
以發明紹續者作傳道圖而以書目條列於後樞退隱蘇門以
傳其學由是許衡郝經劉因皆得其書而崇信之學者稱之日

江漢先生

宋元學案九十

王粹郝經江漢學侶

宋元學案九十

趙矩字義臣大都人也魯齋弟子南樂縣尹勸農養士稱循吏

宋元學案九十

郝經

弟庸
荀宗道

經見僑廬傳

經上溯洙泗下追伊洛諸書經史子集靡不洞究慨然以羽翼

斯文為己任撰續後漢書易春秋外傳等於經術尤深

元史本傳

先生誌元遺山墓云先生與家君同受業於先大父經復逮事

先生者有年又為渾源劉先生哀辭謂嘗奉杖履則先生遞及

元劉之門又閱其上紫陽先生論學書蓋嘗問學於楊氏又有

與漢上先生論性書及北平王子正先生論道學書則復並接

江漢之傳矣

宋元學案九十

嘗聞之師讀易者當先讀繫辭其次說卦序卦雜卦其次讀乾

坤二卦既精且熟然後讀屯蒙諸卦此學易之序也蓋意言象

數之本皆在於是矣故取太極一章以為學易之標準類繫辭

文言說卦象象之名義探諸太極之前而演其隱微諸太極之

後而演其顯問津洙泗以及河洛徧參諸儒庶幾數年之後可

以學易觀道易神之髣髴不失吾身之極焉

太極演自序

今自聖經之外求聖人所以制作之本原各從其類而爲之說始於心法制作次之言聖人制作之意不在於史氏之迹皆斷自聖心也其次言託始寓終之意其次言爲經立名之意其次言卽用魯史之意春秋之義以王道行王權以王權正名分也故又次之其法則變周制上以尊王室內以正魯國外以治諸侯故又次之春秋之中其事則五霸五霸桓文爲盛故以桓公爲首晉文次之秦穆楚莊宋襄又次之晉楚更霸而陳鄭叛服爲中國之輕重故陳鄭又次之中國之衰吳越遂霸故吳越又次之中國之所以微由夷狄之橫也吳越則進於中國而夷狄則終於夷狄故夷狄又次吳越也諸侯之衰政在大夫而春秋終矣故大夫又次之而後舉其要義正其名號別其爵命辨其倫類定其次敘而謹其始聖人始以心法變文制作至是則王

法成矣故終之以王法共三十一篇始爲升天之階望道之門

耳春秋制作本原自序

宋興以來諸儒疊出各爲作傳以明聖人之旨莫不自以爲孟軻復出而其義例殆皆不能外乎三傳而每以三傳爲非夫聖人不欺天下後世作爲六經確然如乾隤然如坤易簡示人而天下之理得故本之易以求其理本諸書以求其辭本諸詩以求其情本諸禮以求其制本諸語孟以求其說本諸大學中庸以求其心本諸左氏以求其跡本諸聖人之經以求其斷則春秋不我欺也不我蔽也聖人之意可見而三傳之傳之自之本之差得矣

春秋三傳折中自序

苟宗道字正甫保定人郝伯常門人也伯常使宋宗道弱冠從往爲書佐及歸竟以儒名官至國子祭酒

宋元學案九十

國朝

王源一子兆符

源見先賢傳

崑繩遇李先生恕谷於京師大悅之曰自繼莊沒豈意復見君乎恕谷微言聖學先生聞之沛然因持大學辨業去是之恕谷乃爲極言顏先生明親之道先生曰吾知所歸矣遂介恕谷往博野執贄顏先生時先生五十有六矣顏氏學記著平書十卷一曰分民謂士農工商以分之甲保鄉以合之立鄉官曰正曰峻曰巡以治之而奸民游食異端則變之除之也二曰分上謂使郡縣久任而重其權縣統於府府統於藩其地域則因山川定其幅員不使相懸三曰建官謂內官設府公卿

冢宰御史成均也設部農禮兵刑等六部也設院通政黃門也設衛金吾羽林也設司厯象醫卜之類也外官則藩府縣縣有堂縣令縣師也有曹六曹也有司亦醫卜之類也府藩皆如之而異其名其銓選則以一涂爲升降不襍以他涂如縣令轉至相國而其官止縣師轉至大司成而其官止縣曹理農者轉至大司農而其官止縣醫官轉至京師醫官而其官止之類也別其賢否爲舉錯不以年勞限之天子考相國相國考卿貳以及州藩下則各考其屬外巡按御史劾之內外史府黃門院劾之三年一考九年三考或陟或留或黜而又有不時舉劾者不論年勞也四曰取士八歲入鄉學教之孝弟幼儀識字習數讀經書習小樂舞十五入縣學教之六德六行六藝閱史陳策二十後教成進之郡學教之三月試之又進之藩學如之進之成均

如之遣歸縣謂之太學生分科以爲士曰禮儀曰樂律曰歷法
曰兵政曰農政曰刑罰曰藝能曰理財曰兼科分之各四者三
年習厥事乃實授之職曰下士子之祿官以此爲始五曰制
田議均田開水利也六曰武備兵制兵法也七曰財用論積粟
錢法鹽法商稅也八曰河淮治水也九曰刑罰謂復墨以罪賊
復刑以罪盜復宮以罪淫也十曰禮樂移風易俗也顏氏學記
源生平最服姚江以爲孟子之後一人聖人之道體不異而用
則因時以制變征誅之變揖讓時耳假令孔孟生漢唐以後其
所以禁奸而禦暴者必不肯泥三代之成規至於晉之清言宋
之理學爲奸雄竊笑久矣蓋宋儒之學能使小人肆行而無所
忌束縛沮抑天下之英雄不能奮然以有爲故使程朱遭宸濠
之亂必不能定之掌握之上而濠以梟雄之姿挾藩王之重負

異志旣久擁衆二十萬一旦竊發順流直掩金陵乃不終日而
談笑平之是豈徒恃語言文字者所能辨乃今之謗之者謂其
事功聖賢所不屑也其學術爲異端不若程朱之正也其心不
過欲蔑其事功以自解其庸闕無能爲之醜尊程朱以見己之
學問切實而陰以飾其卑陋不可對人之生平內以自欺外以
欺乎天下孰知天下人之不可欺而祇自成其爲無忌憚之
小人哉源幼隨先人播越江淮與先兄汲公同受業梁鷓林先
生之門先生講學源兄篤志力行源性苦拘束爲兄所責源曰
爲豪傑不亦可乎何必道學源第矢三言無負生平耳兄問之
曰忠孝以事君親信義以交朋友廉恥以厲名節兄瞿然白之
師師笑而置之後見易堂魏叔子先生其言大與愚見合故生
平議論間竊易堂緒餘而酷喜談兵講究伯王大略物色天下

順天府志卷之六
偉人奇士而交之乃卒歸於無用今父兄皆沒源且浮沈於世
未知所稅駕苟得大賢焉爲之依歸復何恨乎聞先生著述甚
富皆體用兼備之書恨未之見竊謂後世之治天下當首嚴詐
僞之禁如太公之誅華士孔子之誅少正卯凡爲虛言以欺天
下而盜名者悉焚其書而寘之法明先王之道教天下不言而
躬行卿大夫率於上士民遵於下摯慤果毅敦篤乎倫常而講
求實學一洗語言文字惡習反風俗於淳朴則三代庶可復乎
未審先生之意與之合焉否也

與李中孚
先生書

伯夷曰黃農虞夏忽焉沒兮我安適歸矣遙遙千古孔孟不作
將何所適從焉源所以不得已置道學之說但欲以忠孝廉節
爲本而以經濟文章立門戶上之北面武鄉而希其萬一下則
與陳同甫並驅而爭先此則區區之夙志也乃自落第後孰讀

李剛主大學辨業而翻然悔勃然興矣又介剛主受業於顏習
齋先生之門而慨然以斯道爲任矣蓋孔孟所傳二帝三王修
己治人之道備於大學一篇格物者大學之始事也程朱之釋
格物也上極於性天而下盡於草木非高遠則汗漫陽明意在
致良知其釋格物也一以爲正事物一以爲去物欲非修身之
事則誠意之功皆於格物之義無當格物者大學之始事也格
物不明而明親之功何由實乎明親不實何由止至善而修己
治人之道以傳乎此孔孟之學之所以亡而後儒學術支離龐
雜使人不得其門而入也今其言曰物非他卽大司徒教萬民
而賓興之之三物也格物非他卽學習六藝以成其德與行也
蓋德行之實事皆在六藝而六藝要歸一禮故孔子謂非禮不
動所以修身教顏子以克己復禮爲仁又曰爲國以禮故學禮

卽格也致也約禮卽誠正修也齊治平也小學大學由淺入深師以此教弟以此學也士以此造才以此取也士大夫之學出於此君相之學亦出於此也明明德親民由於此止至善卽由於此也豈以誦讀爲事靜坐爲功乎豈賓道藝之實務舍下學而躐等以言性天乎又引馮應京之言曰人之參天地者六德也德之見於世者六行也行之措於事者六藝也先王之設庠序學校唯五禮六樂五射五御六書九數爲孜孜而德行備乎其間矣旨哉言乎切實而可據簡易而可循非學記所謂大學之正業而確然入道之門哉源故心服而誠服焉矢之先聖而相助明行斯道爲任學禮以立其綱內而身心動靜一致加功不入空虛不流泛濫外而實究專精經世之務不驚夸誕不事繁瑣置省身錄時刻自檢以驗其功之淺深進退發憤刻厲務

抵於成一息尙存不容稍懈苟得以餘年進德修業入孔孟之門牆追明親之實境得志行乎天下不得志傳於後世使自嬴秦毀滅漢唐訓詁僅存宋明表章未盡之道一旦而復明於天下則其德與功之所立與僅以經濟文章自見者何如與方靈泉書立國之道五曰德曰法曰武曰教曰文義得之仁守之曰德立紀綱明政刑使奸宄不作賢才舉而民生遂曰法武者戡亂克敵威立而民服也天下雖安不忘戰也教者人倫禮樂文者華飾詞章也五者備則德足以懷天下法足以守天下武足以威天下教足以化天下文足以柔天下三代是也故其享國各六七百年而周以文勝故其後寢弱儒者之論曰聖王之治天下不任法而任德左武而右文烏呼秦隋滅德作威固所以速取滅亡若宋藝祖削平僭亂使海內得離戰爭之苦眞仁相繼數

十年深仁厚澤德可謂隆矣徵道德之士用詞臣教至而文盛矣乃當其盛屈首遼夏含恥忍辱暨青城之役舉族北轅豈文德有不足與法不善武備不修所致也且天下之生久矣世既變所以治世之具不得不與之俱變干戈以易揖讓聖人所以治三代之世者已不同於唐虞而或者乃於千餘年之後鯁鯁然據遺文以爲畫衣冠異章服而民不犯舞干羽可以克敵於是講法令則以爲申韓論設險則曰在德不在險談兵法則深疾痛惡而以爲民之賊而其所恃以治天下之具則訓故詩書談性命委悉周詳於絲文曲貌烏呼世風日下亂臣賊子愈出而愈險國家之患愈出而愈烈唯法以制之威以讐之使之形格勢禁而不得爲亂各安其所而不必爲亂震懾畏伏而不敢爲亂如此而已若徒恃區區儒者之論以治天下必四海之內

荒服之外盡爲善良而後可否則揖讓而治豹虎推赤心以化蛇豕其不害於家國者幾何哉吾謂三代而下立國最善者莫如漢高光救民水火文景明章休息愛養其德也刈羣雄誅暴亂其武也尊儒術崇孝弟授遺經其教也文也至於掄才不分文武任賢不拘資格蕩軼簡易使人人得以盡其才其立法之尤善者夫豈唐宋所得及與然唐之德固無愧於漢文武分而武臣未嘗不重後代綱紀雖弛而人才未嘗不得盡其用又豈可與宋之孤立微弱文法密而武備弛者同日論哉要之德不足以懷天下國雖強民必叛法不足以守天下武不足以威天下德雖厚國必削三者備矣而教不足以化天下勢雖固而倫紀不修人或近於禽獸四者備則治國之道全矣文者其餘耳至於魏晉南北朝五代之君四者俱失而僅存其文或獨用其

武或五者俱失故其亡也或數十年或數年而北魏立國最强雖無大功德於民而君臣代有賢人故享國獨久及至孝文修明禮樂粲然稱極盛而魏氏之衰即基於此嗟呼後之君臣徒欲以文治天下亦安見賦詩可以退敵而大學章句足解厓山之禍也乎吾故爲之說曰爲天下者德以爲本而法與武教與文輔之五者之中不急者唯文也四者闕一不可以爲國矣不急者唯文也立國論

黃叔琳 弟叔璫

叔琳叔璫見先賢傳

叔琳督學山東時毅然以興賢育才爲己任捐修三賢祠於泰山之麓奉宋胡安定孫明復石徂徠歆薦如舊俾學者知所景

從又興復白雪松林兩書院延師儒選才雋捐備膏火造士多

窮經敷用之英翕然稱盛北學編

甲戌秋叔琳行年八十有三授尹嘉銓史通訓故補注嘉銓讀

至疑古惑經二篇請於叔琳欲取昌黎削荀揚不合聖經之義

酌爲節刪毋致貽誤來學叔琳怡然從之且作後序以志過嘉尹

銓黃崑
圖傳跋

叔璫則嚴厲自持其學以立誠爲本要其功於篤敬晚號篤齋

以自勗云北學編

朱筠 弟珪

筠珪見先賢傳

筠教士有式謂士必先治經治經必先通文字訓詁周公作爾

雅釋詁居首保氏教六書說文僅存於是班布許氏說文解字使學官子弟知所誦習故其從之者皆誦說前訓敷揚經術彬

彬然稱雅徒也

文獻徵存錄

夫許君之爲書也一日世人詭更正文鄉壁虛造不可知之書一日諸生競說字解經誼稱秦之隸書爲倉頡時書一日廷尉說律至以字斷法皆不合孔氏古文謬於史籀恐巧說表辭使學者疑於是依據宣王太史籀大篆十五篇丞相李斯倉頡篇中車府令趙高爰歷篇太史令胡毋敬博學篇黃門侍郎楊雄訓纂篇諸書又雜采孔子楚莊王左氏韓非淮南子司馬相如董仲舒京房衛宏數十家之說然後成之又曰必遵舊文而不穿鑿又曰非其不知而不問蓋其發揮六書之指使百世之下猶可以窺見三古制作之意固若日月之離天江河之由地其

或文奧言微不盡可解亦必明者之有所述師者之有所授後學小生區聞陬見不得而妄議已易曰書不盡言言不盡意敝其大要約有四端一曰部分之屬而不可亂敘曰其建首也立一爲端據形聯系引而申之以究萬原畢終於亥是以徐鍇作繫傳有部敘二卷本易敘卦傳爲之推原偏旁所以相次之故使五百四十部一字不紊今起東旣疑韻書而比類又從字體便於檢討實昧聲形自李燾之五音韻譜作而部分紛然自亂其例矣一曰字體之精而不可易夫篆本異文而今同一首者奉奏春秦泰是也篆本同文而今異所從者勉從徒是也賊之从戈則聲而改从戎賴之从貝刺聲而改从負半譌也驛之爲彛壺之爲壺囡之爲曲齋之爲爵全譌也以氣化之氣當乞而氣牽之氣遂當氣於是有俗餼字以菱餉之菱當矮而飢餒

之餒當菱於是俗餒字此因一字以譌數字者也句己从勺而
又從肉州己从川而又從水既重其類型从土而又土蜀从虫而加虫又重其从此并二字以譌一字者也从者失从滋者不滋自隸一變之楷再變之而字體莫之辨識矣一日音聲之原可以知農之从晨凶聲玉篇凶窗同考工記匠人四旁兩夾窗窗一音恩徐錯以爲當从凶乃得聲非也移之从禾多聲古音戈多反楚辭夫聖人者不凝滯於物而能與世推移舉世皆濁何不涸其泥而揚其波徐錯以爲多與移聲不相近非也能之足似鹿从肉目聲古音奴來反詩其湛日樂各奏爾能賓載手仇室人入又酌彼康爵以奏爾時徐鉉等以爲目非聲疑象形非也摘之从手啻聲陟革反去聲則陟寘反啻與商同文摘與適同聲詩勿予禍適稼穡匪懈徐鉉等以爲當從適省乃得

聲非也此音聲之可據者也一日訓詁之遺可以補易其牛幫翬一角仰也爾雅皆踊翬郭注今豎角牛也書西伯既或黎戎从戈今聲殺也不當作戡戡刺也詩深則沕沕从冰从石履石渡水也在彼淇厲蒙梁而言亦此訓也得此醜醜一爲醜醜醜詹諸也縞衣縹巾縹从糸卑聲未嫁女所服處子也周禮兆五帝於西郊兆畔也爲四時界祭其中也春秋傳修涂梁漚漚荆州浸也職方氏豫州其浸波漚鄭注春秋傳曰楚子除道梁漚則漚宜屬荆州在此非也關碧之甲碧水邊石也論語小人窮斯嫗矣嫗从女監聲過盪也孟子咄咄猶沓沓咄咄多言也沓沓語多沓沓也所謂言則非先王之道也爾雅西至汎國謂西極汎从水八聲西極之水也廣韻汎府巾切西方極遠之國又普八切西極水名也不當作邠邠周大王國也此詁之可據

者也部以屬之體以別之音以審之訓以絜之文字之事加諸
蔑矣後之非毀許君者或摘其一文或泥其一說歷代以來不
量與臧要無足論惟近日顧氏炎武修紹絕業學者所宗而於
是書亦有不盡然之言竊恐瞽說附聲信近疑遠是不可以不
辨今如所舉秦从禾以地宜禾宋从木爲居僻从辛爲臯威爲
姑也爲女陰毆爲擊聲困爲故廬音爲日無色貉之言惡犬之
字如畫狗有日不宜有襄爲解衣耕弔爲人持弓會毆禽辱爲
失耕時與爲束縛捽捽罰爲持刀罵詈勞爲火燒門宰爲臯人
在屋下執事冥爲十六日月始虧荆爲刀守井凡此諸說皆始
造文字取用有故必非許君之所創作書契代遠難以強說復
不當刪是以觀象闕文之訓明著於敘豈得以勦說穿鑿橫暴
先儒乎至若江別汜涇鳥殊擊已述救各引載旆爲坡當時孔

壁古文未亡齊魯韓三家之詩具在眾音雜嗽殊形備視豈容
廢百舉一去都卽鄙耶又言別指一字以鐳當劉以粵當由以
纒當免此說亦非按本書之例从某者有其部也某聲者有其
字也瀏之从水劉聲紬之从絲由聲勉之从力免聲俱著於篇
乃知書闕有間傳寫者之過謂別指一字以當之者繆矣記曰
今人與居古人與稽居不當爲法古乎易曰是興神物以前民
用用不當爲法古乎費誓之費改爲柴訓爲惡米按陸德明經
典釋文曾子問注作柴誓柴音秘鄭君說也童爲男有臯按易
喪其童僕作童至僮之字國語使僮子備官而未之聞韋昭注
僮僮蒙不達也史記樂書使僮男僮女七十人俱歌本書敘尉
律學僮十七已上亦同當知僮子之僮从人臯人爲奴者正作
童也訓參爲商星乃連大書讀參商星也卽如水部河水出焯

煌塞外泐澤在昆侖下之例明參與商同爲星非參商亦不知也其引齊之郭氏及樂浪事古人往往隨事博徵不拘拘一說也至援莽傳及讖記以劉之字爲𠄎金刀謂許君脫其文按劉之字从刀从金𠄎聲𠄎古酉字非𠄎也讖記不可以正六書後漢書光武紀論王莽以錢文有金刀改爲貨泉或以貨泉字爲白水眞人於篆貨或近眞人泉豈得爲白水耶五行志獻帝初僮謠曰千里草何青青十日卜不得生以千里草爲董十日卜爲卓按重字从壬東聲非千里草早字爲日在甲子非十日卜又可據以爲證乎又援魏太和初公卿奏於文文武爲斌古未嘗無斌字按彬字从彡从林爲文質備文武之字經典闕如不知所从無以下筆徐鉉列之俗書是也又可據魏以疑漢乎凡顧氏所說皆不足以爲許君病輒附疏之用詔學者

重刻說文解字序

華陽吳祖椿校

故事志五

光緒順天府志六十九

祥異

黃岡洪良品纂江陰繆荃孫覆輯

劉知幾曰災祥之作以表吉凶古之國史聞異則書見於春秋其事非一顧北燕之名亦列魯史而告災無徵史記鄒陽傳荆軻慕燕丹之義白虹貫日太子畏之此一隅徵異之始自漢興儒者攷洪範釋陰陽班固以五行編而為志歷代因之茲編斷自漢初迄於

昭代九水七旱堯湯不免拱穀雉中高迺警斯亦修省之一鑑云志祥異

漢

文帝三年秋大雨晝夜不絕三十五日燕壞民室八千餘所殺三百餘人漢五行志征和二年春涿郡鐵官鑄鐵銷皆飛上去漢五行志

元鳳元年燕城南門災

漢五行志

燕王都薊大風雨拔宮中樹七

圍以上十六枚壞城樓

漢五行志

九月燕有黃鼠銜其尾舞王宮端

門中王往視之鼠舞如故王使吏以酒脯祠鼠舞不休一日一夜

死

漢五行志

有鳥與鵲鬪燕王宮中池上烏墮池死

漢五行志

燕王宮

永巷中豕出圈壞都竈銜其脯六七枚置殿前

漢五行志

虹下屬燕

王宮宮中井水皆竭

漢紀

後漢

建武中潞縣火災起城中飛出城外燔千餘家殺人

漢五行志

永元

二年春二月壬午日食時史官不覺涿郡言之

東觀漢記

延光四年

秋七月乙丑漁陽城門樓災

後漢五行志

中平二年二月癸亥廣陽

城門外上屋自壞

後漢五行志

魏

景初元年十月壬申太白晝見在尾歷二百餘日恒晝見占曰尾

為燕有兵

晉天文志

正始元年十月乙酉彗星見西方在尾長三丈

占曰尾為燕

晉天文志

晉

咸甯二年木連理生燕國

宋符瑞志

太康元年四月庚午范陽縣雨

雹

宋五行志

六年三月幽冀郡國旱

晉五行志

七年六月木連理生范

陽

宋符瑞志

九年幽州塞北有死牛語

晉五行志

幽州有犬鼻行地三

百餘步

晉五行志

元康四年居庸地裂廣三十六丈長八十四丈水

出

晉五行志

永嘉元年自夏及秋青徐幽并四州旱

晉五行志

光熙元

年五月范陽國地然可以爨

宋五行志

永嘉四年夏五月幽并司冀

秦雍等六州大蝗食草木牛馬毛皆盡

晉懷帝紀

永昌二年十二月

幽冀并三州大雨

晉五行志

按宋五

太甯元年十二月幽冀

并三州大雪晉五行志 咸康八年十月燕國白貉見宋符 永

和八年六月辛巳日未入有流星大如三斗魁從辰巳上東南行

推之在箕斗之間燕分也晉天文志 十年四月癸未流星大如斗色

赤黃出織女没造父有聲如雷占曰燕齊有兵百姓流亡晉天文志

前秦

幽州蝗廣袤千里鄭樵通志

後燕

太元九年幽冀人相食晉書符堅載記 太元十八年二月客星在尾中

至九月乃滅占曰燕有兵喪晉天文志

後魏

天興七年九月温泉出於涿鹿人有風寒之疾入者多愈冊府元龜

泰常元年十月范陽郡上言木連理魏書靈徵志 神廟元年二月甘

露降于范陽郡魏書靈徵志 九月章武郡獻白兔魏書靈徵志 太延元

年有鄙婦人持方寸玉印詣潞縣侯孫家既而亡去莫知所在印

有二字為龍鳥之形要妙奇巧不類人迹文曰旱疫平文獻通考

二年十一月丁亥幽州地震魏靈徵志 延興二年四月幽州獻白

鵲魏靈徵志 承明元年九月幽州民齊淵家杜樹結實既成一朝盡

落花葉復生七日之中蔚如春狀魏靈徵志 太和五年州蝗魏靈徵志

七年十一月辛巳幽州雷電城內盡赤魏靈徵志 十七年正月幽州

獻白雉魏靈徵志 景明元年二月癸巳幽州暴風殺一百六十

一人魏靈徵志 四年六月幽州獻三足鳥魏靈徵志 正始元年夏

五月幽州獻三足鳥魏靈徵志 三年六月丙申安州霄霜魏靈徵志

孝明帝延昌四年十二月幽州獻白雉魏靈徵志 熙平元年

八月幽州獻嘉禾三本同穗冊府元龜 按魏靈徵志作熙平二年 正光元年十

月幽州獻白鳥 魏靈徵志 冊府元龜

東魏

天平三年八月涿州隕霜大飢 涿州吳志 武定元年七月幽州獲白

狐以獻上 魏靈徵志 冊府元龜

北齊

天保十年幽州大蝗 文獻通攷

周

開皇八年四月幽州人家以白楊木懸竈上積十餘年忽生三條皆長三尺餘甚鮮茂 隋五行志 大業四年燕代緣邊諸郡旱 隋五行志

唐

武德九年七月幽州慶雲見 冊府元龜 貞觀三年五月乙丑幽州麟見 冊府元龜 十三年八月幽州獻嘉禾一莖九穗 冊府元龜 幽州桃谷

山地常有火 文獻通攷 物異 十五年十一月幽州言五色雲見 冊府元龜

龍朔二年夏四月無終戍城火災門樓及人家屋宇並煨燼唯二

精舍及浮圖并佛龕上紙簾蘧蔭等但有佛像獨不延燒 法苑珠林

延和元年六月幽州都督孫佺帥兵襲奚出軍之日有白虹垂頭

于軍門其夜大星落于營內幽州界內鷓鴣鳴鳶等並隨軍去 朝野僉載

開元二年七月蝗 三河陳志 二十二年八月幽州奏千秋節日

有慶雲見于夷軍又安次縣百姓家產連理樹及大麥一十八莖

穗秀兩歧 冊府元龜 二十五年四月丁卯幽州慶雲見 冊府元龜 天寶

九載八月五星聚于尾箕熒惑先至而又先去尾箕燕分也 新書天文志

天寶中幽州謠曰舊來誇載竿今日不堪看但看五月裏清

水河邊見契丹 新書五行志 建中元年幽鎮魏博大雨易水滹沱橫

流自山而下轉石折樹水高丈餘苗稼蕩盡 新書五行志 貞元八年

秋大水害稼幽州平地水深二丈涿薊檀等州皆深丈餘新書五行志

十三年九月甲子幽州奏甘露降冊府元龜長慶二年七月

幽州奏道有李樹兩根並生相去七寸連理去地二尺合為一幹

向上一體外分枝葉高一丈三尺有實二百二十一顆文獻通攷

寶曆二年春范陽節度使朱克融獵鹿膽中得珠如彈丸黑色

初輒後硬如石光明祥驗集開成五年夏幽州螟蝗害稼新書五行志

光啟元年正月幽州坊谷地常有火新書五行志大順二年六月

乙酉幽州市樓災延及數百步新書五行志

五代

漢乾祐二年四月丁丑幽州地震舊五代史

後周

廣順二年大水安次流民入塞者四萬口東安李志

宋

太平興國七年七月易水溢宋太宗本紀端拱元年三月霸州大雨

雹殺麥苗宋五行志大中祥符元年幽州旱宋真宗本紀九年九月雄霸

州界河泛溢宋五行志按真宗紀嘉祐元年六月渾河決劉

家莊隄東安李志二年幽州地大震大壞城郭覆壓者數萬人宋五行志

多按仁宗紀二年下熙甯元年秋霸州山水漲溢保定軍大水

害稼壞官私廬舍城壁漂溺民居宋五行志宣和五年燕山府路旱

宋五行志

遼

會同四年冬十月辛丑燕薊大熟遼太宗本紀慶曆三年冬南京水遼穆宗紀

統和元年九月丙辰南京留守奏秋霖害稼遼聖宗紀統和九

年六月南京霖雨傷稼遼聖宗紀九年南京地震遼聖宗紀十一年七

月已丑桑乾河溢居庸關西害禾稼殆盡南京居民廬舍多墊溺者遼聖宗紀十二年正月癸丑朔灤縣鎮水漂溺者三十餘村遼聖宗紀

三月己巳涿州木連理遼聖宗紀開泰六年六月南京諸縣蝗遼聖宗紀

十月丁卯南京路饑遼聖宗紀太平六年二月己巳南京水遼聖宗紀

景福元年七月庚戌薊州饑遼興宗紀清甯三年七月甲申南

京地震遼道宗紀按考異長編載四月丙寅契丹幽州地震大壞城郭覆壓死者萬人與遼史所載日月前後不同

十年南京大熟遼道宗紀咸雍三年南京旱蝗遼道宗紀四年七月南

京霖雨地震遼道宗紀十月永清武清安次固安諸縣水遼道宗紀太

康二年二月癸丑南京路饑遼道宗紀九月戊午南京蝗遼道宗紀十

一月南京地震民舍多壞遼道宗紀三年五月安次蠶傷稼遼道宗紀

九月南京大熟遼道宗紀七年五月永清武清固安三縣蝗遼道宗紀

八年七月南京霖雨沙河溢永清安次武清香河傷稼遼道宗紀大

安四年正月南京饑遼道宗紀八月永清宛平蝗為飛鳥所食遼道宗紀

八年十一月通州潦水害稼遼道宗紀壽隆三年二月南京水遼道宗紀

壽昌四年十月水遼道宗紀按遼史有壽隆無壽昌順天方志各載之與遼碑合是遼史之誤

七年五月蝗遼道宗紀乾統三年二月武清大水遼道宗紀七月南

京蝗遼道宗紀帝紀

金

皇統八年四月中京小雨大雷羣犬數十爭赴土河而死所可救者纔二三耳大金國志正隆二年六月壬辰蝗飛入京師金熙宗紀秋

中都蝗金熙宗紀六年六月壬戌大風壞承天門鴟尾金熙宗紀大定

二年閏月辛卯太和厚德殿火金世宗紀按金五行志載世宗

六位焚延及太和厚德殿三年五月中都蝗金世宗紀四年三月庚子夜京師

地震七月辛丑大風雨拔木十一月辛丑尙書省災金五行志五年

六月甲辰大安殿楹產芝其色如玉丙午京師地震有聲自西北

來殷殷如雷地白毛七月戊申又震十一月癸酉大霧晝晦金五行志

按金世宗紀載大定五年六月甲辰芝產大安殿柱丙午京師地震雨毛七月戊申朔京師地復震十月丁丑朔地震與此微異

九年中都水金世宗紀十三年八月丁丑策試進士於憫忠寺夜

半忽聞音樂聲起東塔上西達於宮攷官完顏蒲捏李晏等以為

文運始開得賢之兆金五行志十六年中都旱蝗金五行志十七年七

月大雨盧溝水溢金五行志二十年四月己亥大甯宮門火五月丙

寅京師地震生黑白毛金五行志二十一年夏三河大水三河陳志二

十三年正月辛巳廣樂園燈山焚延及熙春殿三月乙酉氛埃雨

土四月庚子亦如之五月丁亥雨雹地生白毛金五行志二十七年

四月辛丑京師地震金五行志二十九五月丁未地生白毛金五行志

明昌四年三月太白晝見京師地震北方有赤氣遲明始散志

金史五六年二月丁丑京師地震大雨雹晝晦大風震應天門

右鴟尾壞金史五行志八月大雨震電有龍起於渾儀鼇趺臺忽中

裂而摧儀仆於臺下金史五行志泰和四年三月丁卯大風毀宣陽

門鴟尾四月旱壬戌萬甯宮端門災金史五行志三月中天以北其

色殷紅如血大金國志五年九月戊子金中都西北方黑雲間有赤

氣如火色次及西南正南東南方皆赤有白氣貫其中至中夜赤

氣滿天四更乃盡續通鑑八年六月戊子飛蝗入京畿八月乙酉

有虎至陽春門外駕出射獲之時又有童謠云易水流汴水流百

年易過又休休兩家都好住前後總成留金五行志大安二年十一

月京師民周修武宅前渠內火出高二丈焚其板橋又旬日大悲

閣幡竿下石隙中火出高二三尺人近之即滅凡十餘日自是都

城連夜燔爇二三十處金五行志三年二月大風通元門重關折東

華門重闕折三月大悲閣災延及民居有黑氣起北方廣長若大隄內有三白氣貫之如龍虎狀金章宗紀崇慶元年七月辛未未時有風從東來吹帛一段高數十丈宛轉如龍墜於拱辰門內金五行志至甯元年八月癸巳海水不潮寶坻鹽司懼其虧課致禱無應九月丙午乃潮金五行志貞祐二年六月潮白河溢漂古北口鐵裹關門至老王谷金五行志帝詣蓬萊閣觀音祠燒香過浮碧池望池南有二狐相攜以過逐之各登樹而走內侍曰幾日此物甚多有戲舞于宣華殿前者帝拊髀曰怪變如此不去可乎時宮殿妖異多此類大金國志四年東安大饑人相食東安李志

元

中統二年固安王得林妻張氏懷孕五月生一男四手四足圓頭三耳一耳附腦後生而即死元五行志四年六月壬子燕京諸路蝗

元世祖本紀七月昌平縣雨雹害稼元五行志至元三年三月寶坻饑

元世祖本紀五年十二月固安州饑元五行志六年十二月固安饑固安陳志

元五行志七年四月檀州隕霜元五行志八年五月京師大霖雨都城崩圯

元五行志九年中都等縣蝗十月己未檀順等州風潦害稼元世祖本紀

元五行志九年四月京師饑元五行志十五年春薊州雨血元五行志十七年八月大都水元世祖本紀二十年十月涿州巨馬河溢元五行志二十一年

四月己亥涿州巨馬河決衝突三十餘里元世祖本紀九月戊子京師

密雲地震元五行志二十三年霸州灤州蝗元五行志五月京畿旱元五行志

元五行志六月大都涿灤檀順薊五州水元五行志十一月丙子涿易二

州良鄉寶坻二縣饑元世祖本紀三十四年三月大都饑元世祖本紀六月

乙亥霸州益津縣霖雨傷稼十一月大都路水元世祖本紀二十五年

七月霸灤二州霖雨害稼元世祖本紀二十六年八月壬子霸州大水

辛酉大都路霖雨害稼涿州饑十月通州河西務饑民有鬻子去

之他州者丙申寶坻屯田大水害稼閏十月檀州饑元世祖紀二十

七年三月薊州漁陽等處稻戶饑元世祖紀八月昌平地大震昌平志

二十八年七月癸酉京師赤氣滿天如火照人自寅至辰氣燄

方息元五二十九年二月東安固安薊州寶坻縣饑元世祖紀二

月東安固安薊州四州饑元五三十年六月壬子大興縣蝗元世祖紀

紀祖 十月京師饑元五三十一年五月大都路武清縣雹元世祖紀

六月東安州蝗元五嘉禾生京畿一莖九穗元五元貞元

年七月大都路雹元成宗紀二年六月大都路蝗元成宗紀大都路益

津保定大興三縣水損田稼七千餘頃元五五年癸亥三河大

水三河陳志六年夏五月太廟寢殿災通鑑八年春正月京師地

震通鑑大德元年七月大都涿順固安三州蝗元五十二月

大都之檀州等水元成宗紀二年二月大都檀州雨雹元成宗紀三年

五月通薊二州水元五八月大都水元成宗紀五年四月大都等

蟲食葉六月七月大都路水元成宗紀六年五月東安州渾河溢壞

民田一千八百餘頃元五七月大都諸縣蝗元成宗紀九年春二

月隕霜殺桑昌平志五月大都早六月武清蝗元成宗紀八月涿州

良鄉等縣蝗元五十年四月大都真定等郡蝗元五五月辛

未大都早復蝗元成宗紀涿州水害稼元五至大元年六月戊戌

大都饑元成宗紀二年六月霸州檀州涿州良鄉等處蝗元武宗紀涿

州范陽縣東安州宛平縣固安州霸州益津永清等縣雨水害田

稼七千六百九十餘頃元五懷柔蝗懷柔吳志三年五月密雲蝗

密雲丁志懷柔蝻懷柔吳志四年六月大都三河潞縣雨水元五八

月芝生國學大成殿元五皇慶元年二月東安渾河決黃蝸隄

東安李通朔州饑元仁宗紀三月壬子隕霜雨毛續通鑑二年五月

檀州蝗元仁宗紀六月涿州范陽縣東安州宛平縣固安州霸州益

津永清等縣雨水壞田稼元五行志京師地震通鑑輯覽九月京畿大

旱元五行志冬京師大疫元五行志延祐元年大都檀薊等州冬無雪

至春草木枯焦元五行志六月涿州范陽房山二縣河溢壞民田四

百九十餘頃元五行志八月薊州地震薊州沈志二年春檀薊朔三州

旱元五行志三月芝生大成殿元五行志七月畿內大雨朔州昌平香

河寶坻等縣水沒民田廬元仁宗紀三年五月薊州雹積三尺元五行志

四年十月已已大都南城產嘉禾一莖十一穗元仁宗紀五年七

月芝生大成殿元五行志六年滹沱河決文安大城等縣渾河溢壞

民田廬續通鑑七月霸州大城縣雨害稼三千餘頃元五行志七年

霸州蝻元五行志五月渾河決落堡村隄東安李志八月霸州文安大

城二縣滹沱河溢害稼元五行志至治元年五月丁丑霸州蝗元英宗紀

六月霸州大水渾河溢被災者三萬餘戶元五行志渾河溢被災

者二萬三千二百餘戶時大雨滹沱河及巨馬河俱溢通鑑輯覽七

月戊寅通州潞縣水決庚辰范陽縣巨馬河溢乙酉大雨渾河防

決薊州平谷漁陽等縣大水元英宗紀十二月通州水元英宗紀二年

四月霸州饑元五行志正月朔州霸州固安州永清縣饑元英宗紀五

月密雲大風雨雹柳林行宮內大木拔密雲丁志九月京師地震通鑑

覽輯三年五月東安州水壞民田一千五百餘頃六月大都永清

縣雨水損田四百頃七月朔州雨水害稼元五行志泰定元年夏四

月大風地震通鑑輯覽昌平大旱昌平宋志七月檀州雨雹房山寶坻

等縣大風電折木傷稼元五行志朔州固安州水七月大都路固安

州清河溢元五行志大都蝗元五行志二年正月大都寶坻縣雨水元五行志

二月庚戌通遼州薊州寶坻縣饑元泰定帝紀 四月涿州房山

范陽二縣水元五行志 五月大都路檀州大水平地深丈有五尺元泰定帝紀

懷柔大水七月大雨懷柔吳志 六月通州三河縣大雨水丈

餘續通鑑 八月檀州雨雹元泰定帝紀 霸州涿州永清香河二縣大

水傷稼九千五十餘頃元五行志 三年正月大都路屬縣饑元泰定帝紀

夏四月昌平大饑昌平志 七月大都諸路水大風雨雹涿霸等

州蝗檀順等州兩河決溢元泰定帝紀 寶坻甯河房山大風折木元五行志

八月大都昌平等縣大風一晝夜壞民居九百餘家元五行志

四年四月檀薊等州漁陽寶坻香河等縣饑元泰定帝紀 六月大都

蝗元泰定帝紀 大都東安固安通順薊檀鄆七州永清良鄉等縣雨

水元五行志 十月大都路諸州縣霖雨水溢壞民田廬續通鑑 致和

元年四月大都薊州蝗元五行志 天曆二年涿州房山范陽等縣饑

元五行志 五月戊午大都之東安薊州永清益津潞縣春夏早麥苗

枯元文宗紀 六月大都東安通薊霸四州雨水害稼元五行志 三年二

月京師大霜晝暍元五行志 至順元年六月灤薊固安等州蝗元五行志

七月順州東安州風雹害稼元五行志 二年二月檀順昌平州饑

元五行志 三年五月戊寅京師地震有聲元五行志 八月大都寶坻縣

饑元五行志 京師地震通鑑輯覽 元統元年夏五月京師地震通鑑輯覽

六月京畿大霖雨水平地丈餘元五行志 二年春三月旱秋八月地

震昌平志 三年夏六月昌平大霖雨凡十三日昌平志 四年夏四

月昌平大雨紅沙晝晦昌平志 後至元二年八月大都至通州霖

雨大水元五行志 三年八月辛巳夜京師地震壬午又大震損太廟

神主西湖寺神御殿壁傾祭器皆壞元五行志 按續通鑑云三

廟梁柱裂各室牆壁皆壞壓損儀物元五行志 神主及御床盡碎西湖

寺神御殿壁傾三日御河沁河渾河皆溢没人畜田廬不可勝計

十二月中都蝗元順帝紀 歲大饑元五 四年四月辛未京師雨

紅沙晝晦元五 八月丙子京師地震日凡二三至己酉乃止元五

京師白虹亘天元五 壬寅三河雨雹害稼十九年蝗食苗

稼草木俱盡三河陳志 五年秋芝草生於中書工部之屋梁一木七

幹元五 八月京師童謠云白雁望南飛馬札望北跳元五 六

年二月京畿大水元五 冬京師無雪元五 至正元年二月大

都寶坻縣饑三月涿州范陽房山饑四月朔州河西務饑元順帝紀

二年十二月京師地震元五 三年夏大都桑果葉皆有黃色龍

文元五 四年五月霸州大水元五 五年正月薊州地震元五

帝紀 六年十月國子學大成殿松柏樹有甘露降其上元五 七

年春正月甲辰朔大寒而風朝官仆者數人通鑑 八年五月丁

酉朔大霖雨京城崩續通鑑 十年春麗正門樓斗拱內有人伏其

中不知何自而至遠近聚觀之門尉白留守達於都堂上聞有旨

令取付法司鞫問但云薊州人問其姓名詰其所從來皆惘若無

知唯妄言禍福而已乃以不應之罪笞之忽不知所在元五 十

三年六月薊州大水元順帝紀 十一月庚戌京師無雲而雷元五

十四年京師大饑加以疫癘民有父子相食者續通鑑 六月薊州

雨雹元五 秋薊州大水元五 冬十二月大都大饑疫民有父

子相食者通鑑 十五年京師童謠云一陣黃風一陣沙千里萬

里無人家回頭雪消不堪看三眼和尚弄瞎馬元五 薊州雨血

續通鑑 十六年薊州地震續通鑑 十七年秋七月大都晝霧自旦

至午昏暝不辨人物如是旬有五日通鑑 薊州大水元順帝紀 十

八年春薊州旱蝗元五 七月京師大水蝗民大饑續通鑑 秋京

師及薊州皆大水元五 十九年京城有鴟鴞百羣夜鳴至曉連

月乃止居庸關子規啼續通鑑 正月至五月京師大饑通州民劉

五殺其子而食之元五行志 大都霸州通州蝗食禾稼草木俱盡所

至蔽日礙人馬不能行填坑塹皆盈饑民捕蝗以為食或曝乾而

積之又罄則人相食元五行志 五月通州雨雹害稼元五行志 永清縣

蝗食禾稼草木皆盡人相食元五行志 二十年五月薊州雨雹終日

元五行志 通州旱元五行志 二十一年霸州饑民多莩死元五行志 二十

二年京師有白氣如小索起危宿長五百丈掃太微元五行志 七月

涿州河決范陽縣漂民居涿州吳志 二十三年五月霸州民王馬駒

妻趙氏一產三男六月豪家務李閏妻張氏一產三男元五行志 七

月戊辰朔京師大雨雹傷禾稼續通鑑 二十五年五月甲子京師

雨雹長尺許如馬鬃元五行志 六月戊申京師大雨有魚隨雨而落

長尺許人取而食之元五行志 秋薊州大水元五行志 二十六年秋薊

州四縣大水害稼元五行志 二十八年二月癸卯京師武器庫災元五行志

行志 六月甲寅雷雨中有火自天墜焚大聖壽萬安寺七月癸酉

京城紅氣滿空如火照人乙亥京城黑氣起百步不見人續通鑑

二十九年寶坻大饑寶坻洪志

明

洪武四年北平旱明五行志 五年五月癸丑夜中都皇城萬歲山雨

水雹大如彈丸明五行志 六年七月北平蝗明五行志 七年夏北平旱

北平所屬州縣饑明五行志 八年夏北平蝗明五行志 十一年七月北

平府大水壞城垣明五行志 十五年北平大水明五行志 十七年北平

水明五行志 十八年文安保定旱文安楊志 二十四年北平水明五行志

二十九年二月辛丑通州火燔屋千九百餘通州高志 三十三年文

安大水平地水三尺文安楊志 建文元年三月乙卯夜燕王營於文

安蘇家橋大雨平地水三尺及王卧榻明五行志 七月癸酉燕王起

兵風雲四起咫尺不辨人少焉東方露青天尺許有光燭地洞徹

上下明五行志 永樂元年十一月甲午北京地震明五行志 二年八月

霍雨壞北京城五十餘丈明五行志 五年順天饑明五行志 七年六月

渾河決固安明五行志 十年七月盧溝水漲壞橋及隄岸溺死人畜

保定縣決河岸明五行志 十一年八月甲子地震明祖紀 十二年九

月密雲後衛霍雨壞城明五行志 十三年順天饑明五行志 正月壬子

北京午門災明祖紀 九月壬戌北京地震明祖紀 十四年七月丁

酉遣使捕北京州縣蝗明祖紀 九月北京地震明通鑑 十八年六

月丙午北京地震明祖紀 大城文安大水明文安楊志 十九年四月庚

子奉天華蓋謹身三殿災明祖紀 二十年閏十二月乾清宮災明成

紀祖 二十二年四月霍雨壞密雲及薊州城明五行志 永樂間北京

得白鵲舊聞攷 洪熙元年正月癸未京師一冬不雪明五行志 六月

驟雨白河溢衝決河西務白浮宋家等口隄岸明五行志 七月渾河

決盧溝橋東狼窩口順天水明五行志 閏七月京師大雨壞正陽齊

化順成等門城垣九月久雨壞密雲中衛城明五行志 宣德元年七

月癸巳京師地震明宣宗紀 三年六月渾水溢盧溝河隄百餘丈明五行志

行 四年正月京師地震明宣宗紀 春三月文安饑明文安楊志 六月順

天州縣蝗明五行志 十二月京師地震明宣宗紀 五年六月近畿蝗明宣

紀宗 六年六月渾河溢決徐家等口順天水明五行志 九年二月庚

午京城東南樓火明五行志 六月甲子雷震大祀壇外西門獸吻明五行志

行 渾河決東岸自狼河口至小屯廠順天水明五行志 正統二年

志 文安蝗明文安楊志 閏六月順天大水明五行志 七月順天霍雨傷稼明五行志

行 二年京師旱街巷小兒為土龍禱雨拜而歌曰雨帝雨帝城

隍土地雨若再來還我土地明五行志 又有羣兒環繞一人案月問

云正月裏狼來咬羊齊拒之至八月則放狼入水東日記 三年三月

已亥京師地震庚子又震甲辰又震者再六月乙未復震八月已

亥又震明五行志 通州白河溢明五行志 八月辛酉順天貢院火席舍

多焚改期再試明五行志 四年五月壬戌京師大雨雹明五行志 京師

大水壞官舍民居三千三百九十區明五行志 居庸關城壞昌平宋志

六月乙未京師地震明英宗紀 丁酉京畿水明英宗紀 八月己亥京師

地震明英宗紀 白溝渾河溢決保定安州隄明五行志 五年夏順天蝗

明五行志 六年夏順天蝗明五行志 七月白河決武清灤縣隄明五行志

七年五月順天蝗明五行志 八年五月戊寅雷震奉先殿鴟吻明英宗紀

六年渾河決固安明五行志 九年閏七月壬寅雷震奉天殿鴟吻明英宗紀

明英宗紀 冬京畿內外無雪明五行志 十年二月丁巳京師地震明英宗紀

五月癸巳通州右衛倉火明五行志 十一年二月辛酉異氣見華

蓋奉天殿明英宗紀 夏六月京師地震有聲明英宗紀 渾河溢固安明五行志

行志 十二年文安涿州蝗文安楊志涿州吳志 十三年寶坻縣民周本家

馬生角長二寸寶坻洪志 京師盛唱妻上夫墳曲婦女童幼俱習之

其聲悽恍靜夜聽之疑身在墟墓間野獲編 又童謠曰牛兒呵莽

著黃花地裏倚著你也忙我也忙伸出角來七尺長清俊小後生

青布衫白直身好个人屈死在鶴兒嶺二申野錄 四月雨水壞順天

古北口邊倉明五行志 秋七月京師飛蝗蔽天通鑑輯覽 十四年春正

月文安大城地震文安楊志大城張志 二月六日大風黃塵蔽天騎驢過

大通橋者風吹人驢皆墮水中溺死五月京師烈風晝晦二申野錄

夏順天蝗明五行志 景泰二年順天饑明五行志 七月癸丑京師地震

明五行志 三年宛平縣民福祥妻一產三男二申野錄 六月庚寅雷擊

順天府志卷之六

宮庭中門傷人明五行志 五年文安大旱文安楊志 七月京師久雨九

門城垣多壞明五行志 十月庚子京師地震有聲起西北迄東南明五行志

行 六年六月順天大水明五行志 七年文安饑文安楊志 天順元年

涿州大饑涿州吳志 正月丁亥殺少保于謙都督范廣於市是日陰

霾四塞童謠云京城老米貴那里得飯廣鷺鷥冰上走何處覓魚

嗛二申野錄 六月己亥大風雨雹壞奉天門鳴吻明英宗紀按五月

亥雨雹大如雞卵至地經時不化奉天門東吻牌摧毀通鑑輯覽六月大風震雷發屋拔木雨雹大如雞卵擊毀奉天門東吻正

陽門下馬牌飛擲明英宗紀 二年六月己卯雷

郊外都人震恐 七月丙寅承天門災明英宗紀 二年六月己卯雷

震擊大祀殿鳴吻明五行志 三年四月順天連日烈風麥苗盡敗明五行志

行 四年六月癸丑雷毀薊州倉廩四明五行志 五年九月壬戌京

師地震有聲明英宗紀 六年四月大城大水壞屋溺人大城張志 七年

北畿旱明五行志 二月戊辰會試天下舉人火作於貢院御史焦顯

扇其門燒殺舉子九十餘人明五行志按二申野錄作百有十六人 七月密雲山

水驟漲軍器文卷房屋俱沒明五行志 八年京畿連月不雨運河水

涸明五行志 成化元年五月京師大風皇牆以西有聲如雨雹視之

皆黃泥丸子堅淨如櫻桃大破之中有硫黃氣二申野錄 六月畿東

大雨水壞薊州城堡八月通州大雨壞城及運倉明五行志 二年冬

十一月朔京都有若霧者從東來著樹並草莖皆白少頃堆積枝

柯間玲瓏如花雕鏤莫狀二申野錄 四年戊子五月京師大旱二申野錄

八月癸巳辰刻京師地震有聲二申野錄 六年庚寅二月二十八

日為清明節節後三日辰時都下大風從西北起下雨如血天色

如絳紗日色如暮夜空中非燈燭不能辨直至午未間始開朗野獲

遺編補 四月順天大水采訪冊 五月通州張家灣等處被水軍民

二千六百六十戶漂損房舍六千四百九十處二申野錄 七年辛卯

盤山有龍與蜘蛛鬪蜘蛛斃其皮如車輪然二野錄八年四月京

師久旱運河水涸明憲宗紀九年文安旱文安楊志大城蝗大城張志七

月庚戌東直門災明憲宗紀十一年四月壬辰乾清門災明憲宗紀十

二年正月十三日上方南郊忽陰晦大風郊壇燈燭俱滅執幡麾

并樂官俱凍死野獲編七月庚戌京師黑眚見民間男女露宿有

物金睛脩尾狀如犬狸負黑氣入牖直抵密室至則人昏迷徧城

驚擾操刃張燈鳴金鼓逐之不可得帝嘗朝奉天門侍衛見之而

譁帝欲起懷恩持帝衣頃之乃定明憲宗紀十月辛巳京師地震明憲宗紀

大城通州薊州等處亦震有聲二野錄十三年正月妖狐出

見朝房二野錄四月京師大旱明憲宗紀六月壬子雨錢於京師明憲宗紀

九月甲戌京師三震明憲宗紀十四年八月戊申早朝東班文

官中若聞有甲兵聲眾皆辟易不復成列衛士皆露刃以備不虞

久之始定野獲編十五年京畿大旱明憲宗紀十七年七月己亥雷

震郊壇承天門脊獸明憲宗紀十八年七月昌平大水決居庸關水

門四十九城垣鋪樓墩臺一百二明憲宗紀十九年密雲旱密雲丁志

二十年正月庚寅京師地震明憲宗紀天壽山密雲古北口居庸關

城垣墩堡多摧人有壓死者二野錄二十一年五月壬戌京師地

震十一月丙寅又震明憲宗紀二十二年七月順天蝗明憲宗紀二十

三年夏五月星隕京師大旱二野錄秋文安大水是年兒童多為

獨脚跳鬪謂之撞拐即古商羊識也秋果大水文安楊志成化間武

清縣民家石臼與鄰家碌碡皆相滾至麥地上跳躍相鬪鄉人聚

觀以木隔之木皆損折鬪不可解至晚方息鄉人以白沈於汙池

中以碌碡墜深坎相去各百餘步其夜碌碡與白復鬪於池邊地

上麥苗俱壞乍前乍卻或磕或觸硜然有聲火星炸落三日乃止

野錄 二申 宏治元年四月天壽山震雷風雹樓殿瓦獸多壞明五行志

二年六月京師大水野錄 香河鬼兵動潞河東忽見人馬蔽野

竟無兵香河劉志 七月京師霪雨明孝宗紀 八月盧溝河隄壞明五行志

大城大雨雹大城張志 三年保定大水保定成志 十二月己未京師地

震明孝宗紀 四年五月密雲蝗密雲丁志 六月辛亥京師地震明孝宗紀

五年有異鳥三鳴於禁中野獲編 六年甯河鬼兵動潞河以東村

落居民奔駭渡河多溺死者甯河關志 五月北京東廠內地無故陷

二三丈廣亦如之又本月在京明時坊舖內白晝見二人進舖久

之不出管舖者疑之但見二衣委地傍有積血竟不見二人蹤跡

野獲編 閏五月丁未蘄州大風雷拔木偃禾牛馬有震死者明五行志

秋八月京師大雨雹通鑑輯覽 七年七月乙巳京師地震明孝宗紀

十一月壬子京師地震明孝宗紀 八年文安大旱饑文安楊志 保定蝗

保定成志 十二月京師大震電天鼓鳴野獲編 九年八月有黑熊自

都城蓮池緣城上西直門官軍逐下不能獲嚙死一人傷一人明五行志

十年京營開操中軍大旗曳之不起墜死引繩千戶野獲編

十年正月戊午京師地震明五行志 三月丁卯通州雨冰深一尺

五月大城風霾地震大城張志 十一年六月有熊自西直門

入城是年城內多火災明五行志 十月甲戌清甯宮災明孝宗紀 十二

年五月己亥夜火隕都察院獄旋轉久之始滅明五行志 七月己巳

京師地震十月又震明孝宗紀 十三年秋七月庚申居庸關石縫出

火東西四十餘里南北七十餘里延燒七晝夜昌平宋志 十四年順

天饑明五行志 文安夏蝗秋大水文安張志 十六年夏京師大旱明五行志

十七年五月癸巳正陽門內西廊火燔武功坊明五行志 十八年

春正月朝鐘新成紐絕奉天門座下階石無故自裂二申野錄 六月

順天府志卷之九

至八月京畿連雨明五行志 正德元年正月大城地震大城張志 六月

辛酉大風雨壞郊壇獸瓦明五行志 九月宛平棗林莊李花盛開明五行志

二年東安地震東安李志 四年秋東安雹災東安李志 六年春保定

定地震一夜十餘次保定成志 八月霸州桃李華明五行志 十一月戊

午京師地震明五行志 霸州尤甚三日中十有九震霸州朱志 七年六

月壬戌黑青見涿州大者如犬小者如貓夜出傷人有至死者尋

見於京師形赤黑風行有聲居民夜持刁斗相警達旦逾月乃止

明五行志 冬密雲無雪密雲丁志 八年癸酉正月薊州大雨雹厚甚薊州沈志

夏固安黑青見月餘固安陳志 九年順天旱明五行志 正月庚辰

乾清宮災明五行志 八月乙巳京師地震明五行志 十年閏四月甲申

薊州賺狗崖東墩及新開嶺關雷火震傷三十餘人明五行志 七月

文安水忽僵立是日大寒結為冰柱高圍俱五丈中空旁穴數日

而賊至民避穴中生全者甚眾明五行志 十二年春順天大水饑明五行志

夏四月昌平裕陵神宮監火昌平宋志 十三年正月車駕還京

令朝臣用曳撒大帽鸞帶明五行志 十四年春東安大疫東安李志 二

月丁丑京師地震明五行志 三月戊午風霾晝晦明五行志 宮城內海

子水溢四五尺圻橋下鐵柱二野錄 秋九月昌平地震昌平宋志 十

五年十二月帝平宸濠還京俘從逆者及懸諸逆首於竿皆標以

白幟數里皆白時帝已不豫見者識其不祥明五行志 嘉靖元年京

師民米鑑妻二月十一日生一子十二日生一子十三日生一子

童謠云太廟香爐跳午門石獅叫好羣黑頭蟲一半變蛤蚧一半

變人龍二野錄 正月己未清甯宮後殿災明五行志 二月己亥通州

城樓火明五行志 二年二月二十三日薊州狂風大作吹沙蔽天行

人壓埋於沙中薊州沈志 永清武清香河通州同日災采訪冊 五月

五月

丁丑雷擊觀星臺明五行志 八月二十八日薊州地震有聲自卯至

午又震未時雨雹如粟大薊州沈志 三年六月順天蝗明五行志 秋三

河大水三河陳志 四年密雲大水密雲丁志 懷柔大水懷柔吳志 三月壬

午仁壽宮火明世宗紀 五月戊子固安雨雹明五行志 六月固安又雹

固安陳志 五年涿州大饑涿州吳志 春文安地震文安楊志 四月戊寅雷

擊阜城門城樓南角獸吻及北九鋪旗杆明五行志 六年固安旱蝗

固安陳志 東安大旱蝗蔽天東安李志 五月甲午京師雨錢明五行志 通

州西北海噴平地水高丈餘漂沒不可勝計二申野錄 十月戊辰京

師地震明五行志 七年涿州大旱涿州吳志 夏五月辛未朔京師大冰

雹二申野錄 東安大風晝晦地震九月大水東安李志 八年春二月甲

申京師旱躬禱於南郊山川社稷不雨二申野錄 夏五月文安隕霜

文安楊志 冬十月乾清宮內西七所房災二申野錄 香河縣軍民餘牛

文家園中桃樹開花香河劉志 九年保定固安大水保定成志 通州饑

通州高志 十年六月丁巳雷擊德勝門破民屋柱斃者四人癸亥雷

擊午門角樓及西華門城樓柱明五行志 秋文安大水文安楊志 十一

年懷柔星隕懷柔吳志 九月二十七日東安星隕如雨旱蝗東安李志

十二年八月丁酉京師地震明五行志 十月三河星隕如雨三河陳志

十三年密雲星隕如雨密雲丁志 十四年文安霪雨文安楊志 冬東安

地震有聲如雷東安李志 十五年十月庚寅京城地震如雷明五行志

十六年東安大水傷稼東安李志 夏五月雷震謹身殿通鑑輯覽 京師

雨自夏及秋不絕房屋傾倒軍民多壓死明五行志 十八年駕將南

幸有軍人孫堂從御路中橋至奉天門下登金臺坐久守門官役

無知者升堂大呼覺而捕之乃病狂者明五行志 固安旱麥苗盡枯

固安陳志 夏六月雷震奉先殿二申野錄 秋文安大水文安楊志 二十年

密雲蝗密雲丁志 懷柔飛蝗蔽天食禾幾盡懷柔吳志 夏四月九廟焚

二申 二十一年順天饑明五行志 二十三年夏五月東安縣北十

里許宣義鄉巨石長博約丈餘一日風雨交作石乃特立聲聞數

里二申 二十四年順天饑明五行志 二十五年順天饑明五行志 六

月永清寶坻武清大水居民漂溺甚眾隆興寺殿前一木忽拔去

不知所止武清蔡志 六月至七月大雨水深數尺禾稼俱沒城垣民

舍傾覆甚多順天府志 七月癸酉醴泉出承華殿明世宗紀 八月京塔

出煙三日石河小記 二十六年春二月京師王健兒家猪生五子其

一人首後二蹄人足生即能行二申野錄 冬十二月大內火通鑑輯覽

二十七年正月京師大風霾二申野錄 七月戊寅京師地震明世宗紀

八月京師地震二申野錄 大城地震大城張志 二十九年庚戌春薊州

雨螻蛄屋瓦門窗飛打有聲薊州沈志 正月固安村人曉起見東郭

何家莊有城郭樓臺之狀日出乃隱二月復見於北隱村東安李志

三月東安大風雨沙密雲日旰黑氣亘天大風發屋瓦密雲丁志 六

月東安頭畜疫死東安李志 七月東安學圃產芝一本東安李志 密雲

地震采訪冊 八月東安東南方天鼓鳴東安李志 三十年九月乙未

京師地震明世宗紀 香河飛蝗蔽天食禾盡民間男女捕蝗作餚香河志

劉志 三十一年通州火大城地震采訪冊 三十二年秋固安霸州

文安保定大城大水文安決沙口隄平地水深丈餘四門用土屯

人皆上城登舟采訪冊 通州霖雨運河衝決張家灣麩店皇木廠

大木漂流甚為民害懷柔大水平地丈餘禾稼漂失殆盡西北水

與潘家莊觀音堂山齊談者謂有龍居之數日始退采訪冊 三十

三年春文安大饑逃亡殆盡人相食通州大饑民剝樹皮以食東

安自春至冬疫人死過半春夏永清饑民採樹皮為食采訪冊 四

月都城內外大疫明五行志 六月京師大雨平地水數尺明五行志 盧

溝橋口潰海子牆大水無涯直至武清縣堂文卷盡為浸沒通州

渾河決禾稼盡沒米貴大疫宋訪冊 秋東安永清大水禾盡沒男

女疫亡大半永清周志 密雲大雨潮河北決壞城東南隅西北隅密雲志

莊皆被水衝漂傳聞兩月前臨邊山中不見人形而斧鑿之聲不

絕聞者疑之後果霪雨大水水上有人形如塑龍王像又見大鏡

籠二盞如人手執往來水面或謂建龍宮云宋訪冊 三十四年密

雲懷柔大饑米價增十倍民多餓死者密雲辭志 文安大水文安楊志

三十五年四月丁酉通州西倉火通州高志 密雲大雨河溢四月治

山鳴密雲丁志 懷柔大雨河漲大城大水宋訪冊 三十六年四月丙

申奉天華蓋謹身三殿災明世宗紀 通州禦蝗蝻黑蟲食苗幾盡通州

高志 三十七年夏秋通州霪雨漕河溢害稼通州高志 永清文安大

水宋訪冊 涿州大雨壞民廬舍密雲懷柔蟲食禾稼宋訪冊 三十

八年二月雷擊奉先殿野錄 固安大城大水涿州旱饑宋訪冊

三十九年四月雨雹八月星隕如雨密雲丁志 順天蝗大饑明五行志

三河蝗自南來如水越城北飛得人馬不得行坑塹皆盈禾草俱

盡三河陳志 四十年十一月辛亥萬壽宮災明世宗紀 密雲懷柔大旱

蝗蝻大城疫大水宋訪冊 四十一年香河蝗蝻黑蟲食田禾殆盡

香河劉志 四十二年八月御苑龜生卵者五城東觀象臺忽崩陷臺

土移填於城外某潭野錄 四十三年閏二月京師雨雹四月大

雪通州民家牛生三首野錄 八月辛亥通州漕艘火通州高志 四

十四年正月京師饑且疫明五行志 三月大明門內西千步廊火野錄

六月有白芝生於獻帝舊廟野編 順天饑明五行志 四十五

年涿州大饑涿州吳志 隆慶元年春三月癸亥黃霧四塞清明日京

師甚和暖晚間風雪交作寒冽異常次日九門報城外凍死者一

百七十人崇文門下乘轎婦人母子俱死轎中而轎夫亦死轎下

四月京師黃霧四塞野錄 夏京師大水明五行志 五月日初暎東

安馬頭村民見村西四五里外白氣如流水狀逾時而滅冬十月

京師如盛夏雷震次日大寒夜將半雷震達旦野錄 東安地震

有聲東安李志 二年三月乙亥乾清宮坤靈宮一時俱燼戊辰京師

地震宋訪冊 四月承運庫火累朝寶器皆燬野錄 三年霸州夏

蝗秋霸州保定大水宋訪冊 十一月庚辰京師地震有聲明穆宗紀

三河螻蛄食苗幾盡三河陳志 四年夏三河大旱三河陳志 四月戊戌

京師地震明穆宗紀 五年春正月己丑京師大風揚塵四塞野錄

東安大旱東安李志 夏四月戊午京師大冰雹野錄 六月雷震園

丘廣利門碎之野錄 辛卯京師地震者三明穆宗紀 東安自六月

至九月霍潦為災渾河溢壞廬舍田禾歲大饑東安李志 冬十一月

庚午京師天鼓鳴野錄 六年夏通遼大旱煙氣蔽野月色赤如

血七月運河水溢害稼冬民饑通州高志 萬曆元年夏四月翰林產

白燕內閣生嘉蓮野錄 十一月己亥慈甯宮後舍火明五行志 二

年夏昌平大雨壞昭陵稜恩殿昌平宋志 東安大水漂人畜東安李志

三年四月甲戌工部後廠火明五行志 六月己卯雷擊建極殿鳴吻

壬辰雷擊端門鳴尾明五行志 九月三河地震三河陳志 四年秋密雲

懷柔大霧傷棗懷柔吳志 五年冬十月朔大內火野錄 七年七月

戊午京師地震明神宗紀 八年春東安旱無麥夏秋渾河溢傷禾稼

歲饑東安李志 文華殿西內角門柱礎有天下太平字拭之不滅野錄

武清隆興寺產芝草九本每本二三莖遠近觀者如堵武清蔡志

九年夏四月京師旱通鑑 十年四月京師疫通州東安亦疫

明五行志 霸州文安大城保定患大頭瘟症死者枕藉苦傳染雖至

親不敢問弔采訪冊 十一年夏四月昌平旱昌平志 十二月庚午慈

甯宮災明神宗紀 東安渾河決堤口水失故道東安志 十二年二月

丁卯地震五月甲午又震明神宗紀 十月己酉無逸殿災十二月癸

卯又災明五行志 十二年至十七年懷柔俱春旱秋澇米麥斗價至

一錢入分葛秫斗價至八九分城內外爭掃草子食懷柔志 十三

年五月乙酉旱大雩自去年八月不雨至是月明五行志 五月乙酉

宛平大雨雹傷人畜千計明五行志 七月戊子雷震郊壇廣利門震

傷榜題利字及齋宮北門獸吻明五行志 八月乙酉京師地震明神宗紀

十四年三月乙巳京師旱明五行志 四月癸酉京師地震明神宗紀

夏五月灤縣雨雹屋瓦皆碎通州高志 六月武清窪雨山水大至決

河西棉花市及河東丁家園等口水抵城外遂通舟楫直至河西

楊村各處地方略無阻礙禾黍盡淹月餘方退武清志 七月京師

大風土霾四塞二申野錄 昌平旱災傷疊見昌平志 十五年四月京

師旱大疫明神宗紀 六月京師大雨溺人民無算通鑑 永清先旱

後蝗七月香河大水平地丈餘永清積志 六月三日暮通州大雨雹

自西北方來大者如雞卵間有如杵如升者壞民房屋牲畜秋大

水通州高志 金臺有婦人以羊毛徧鬻於市忽不見繼而都人身生

泡瘤漸大痛死者甚眾瘤內惟有羊毛有道人傳一方以黑豆菽

麥為粉塗之毛落而愈名羊毛疔寄園寄所寄引名醫類案 京師明智草場

火發薪芻如山一夕盡為煨燼餘焰中小者如拳大者如杵盎色

正黑有光叩之聲甚清越絕類英石之佳者第質稍輕耳其狀或

為筆架或為硯山或為立屏俱可供玩又有作人馬犬豕諸色者

無不畢肖野獲編 十六年正月鼓樓內火龍飛上草垛又見大蝦

蟆口銜火毬又鐘樓內火龍飛出草垛隨雲而起草廠六垛俱焚

二申野錄 春香河民饑剝樹皮以食香河劉志 六月庚申京師地震明神

宗野錄 十七年香河大旱香河劉志 十八年春夏通州旱七月七日大

雨三晝夜山水湧發潮東兩家店隄決田禾淹沒殆盡通州高志 十

九年閏三月己巳昌平州地裂畿內蝗宋訪冊 二十年二月大內

災二申野錄 保定大水蟲食禾保定成志 二十二年六月己酉雷雨西

華門災明神宗紀 七月壬辰雷擊祈穀壇東天門左吻明五行志 二十

三年春三河民家生八豕一類人形手足俱備額上有一目明五行志

大三月京師震五月京師地又震明神宗紀 密雲懷柔大雨冰雹二

麥俱傷秋禾亦被損宋訪冊 二十四年三月乙亥乾清坤甯二宮

災明神宗紀 二十五年春正月雷火焚長陵明樓蟲食諸陵松柏大

雨水逆行神路石橋及諸邊牆臺塌損者過半二申野錄 二月戊寅

京師風霾明五行志 六月戊寅皇極中極建極三殿災明神宗紀 秋七

月庚寅朔雷燬黃花鎮臺垣及火器昌平宋志 八月京師地震明神宗紀

二十六年四月壬申京師旱明神宗紀 八月丁丑京師地震明神宗紀

文安蝗災文安楊志 二十七年二月永清風霾大作晝晦如夜永清清永

積志 四月雷擊太廟二申野錄 密雲懷柔大雨雹傷禾二麥俱無宋訪冊

冊志 十一月壬申內廟火延燒尙寶司印綬監工部廊至銀作局

山牆而止明五行志 文安蝗文安楊志 二十八年二月戊寅京師地震

自良方西南行如是者再明神宗紀 二十九年春三月雷擊折天壇

燈竿長陵明樓火二申野錄 六月京師自去年六月不雨至是月乙

亥始雨明神宗紀 三十年六月京師大水明五行志 三十一年五月戊

寅京師地震者再自東北向西行明神宗紀 秋七月京師大雨雹通鑑

順天府志卷之十九

輯覽 九月戊寅通州漕艘火明志 三十二年春正月大雨都城

崩二月厚載門外皇城一帶牆下忽影出城郭山川樹木人物諸

狀有鐵騎數百臨城城上豎旗幟與畫圖無異移時乃滅二申野錄

通州旱通州高志 五月癸酉雷火焚長陵明樓又燬薊鎮松棚路墩

臺明志 六月昌平大水壞長泰康昭四陵石梁明神宗紀 通州霍

雨五十餘日山水湧發通郭房舍盡傾三冬大雪民多凍死保定

大水決隄采訪 七月京師霍雨兩月不止正陽崇文二門城牆

中陷者七十餘丈民居多壞綱目三編注 九月三義廟杏樹花香河劉志

武清棉花市口衝決浸城數版屋宇盡頽居民以樹為棲文安

杏葉口決禾盡滄沒災同采訪 三十三年春通州大饑通州高志

正月京師地震二申野錄 二月乙丑御馬監火五月辛巳洗白廠火

明志 雷擊園丘望燈高杆明神宗紀 九月京師地震通鑑輯覽 甲午

昭和殿災明神宗紀 丙申官軍於盛甲廠支火藥藥年久凝如石用

斧劈之火突發聲若雷霆刀鎗火箭迸射百步軍民死者無數十

一月丁卯刑部提牢廳火明志 三十四年自正月至夏不雨順

天文安永清三河寶坻諸縣大蝗綱目三編注 七月丙戌大風拔朝

日壇樹明志 三十五年四月丁酉通州西倉火明志 閏六月

霍雨一月平地水湧通惠河隄閘莫辨張家灣皇木廠大木盡行

漂流通州高志 七月京師大雨晝夜不息京邸高廠之地水深二三

尺各衙門皆成巨浸平陸為河內外城垣傾塌二百餘丈甚至大

內紫禁城亦塌壞四十餘丈雨霽三日正陽宣武二門外猶然波

濤洶湧輿馬不得前城堙不可涉有巨人從北來著白衣白幘耳

有隆高二丈餘兩目炯炯火光射地望南而去二申野錄 冬十二月

順天巡撫劉四科奏言擦捱子關在本臺根底起霹靂雷火一塊

進十八號臺碎旗杆一根擊死本臺百總湯明之子又提小孩子一名在臺外放下未死野錄 香河昌平文安大城保定大水廖

家口決四鄉民房衝毀城垣難塌殆盡采訪 三十六年二月戊

辰京師地震七月丁酉又震明神宗紀 內臣輩建西頂娘娘廟於內

府內織染局時都中忽興進土之說一切男婦不論貴賤或車運

或馬載以至豔婦處女亦坐兩人小輿懷中各抱一土袋以香楮

隨其後入廟獻之久之始漸衰又數年宮中忽作掠城之戲其法

畫地為八方令大瑞輩以八寶投之自十兩至三兩能入者即為

賞野獲編 三十七年正月初九日民間訛傳警至九門盡閉二申野錄

八月甲寅雷劈西城上旗杆明五行志 三十八年春三月昌平大

風霾旱昌平志 四月丁丑夜正陽門箭樓災至次日辰刻未熄綱目

三編注 京師風霾蔽天旱魃為虐二申野錄 燕河路營生豕一身二

頭六蹄二尾明五行志 三十九年夏京師大旱明五行志 四月昌平霖

雨經旬苗禾損昌平志 六月大城保定陡發大水雷雨交作決隄

大饑保定志 固安大水固安志 文安黑牛口決五穀盡壞文安志

四十一年六月通惠河決七月京師大水明五行志 四十二年五月

連雨四十日東西兩河水漲沒城牆六尺餘民饑通州志 四十三

年春東安大旱東安志 二月密雲黑霧晝晦密雲志 夏四月昌平

黃花鎮柳溝大火延燒數十里昌平志 六月大旱明神宗紀 八月東

安繁霜東安志 閏八月辛亥通州糧艘火明五行志 十月辛酉京師

地震密雲潮河川等處同時震有聲綱目三編實 四十四年正月京

師大雪二申野錄 三月京師大旱二申野錄 春東安渾河徙逼縣城東安志

李志 十月甲子烈風壞正陽橋坊綱目三編實 十一月己巳隆德殿

災明神宗紀 四十五年春二月蝗旱昌平志 東安旱蝗東安志 夏六

月東安暴雨渾河溢西城下

東安李志

七月初六日京師怪風

二申野錄

八月東安天鼓鳴於東方

東安李志

四十六年四月宣武正陽門

外水赤三日如血一月乃止

明五行志

六月壬午京師地震

明神宗紀

九月壬子茂陵火

昌平宋志

乙卯京師又震

明神宗紀

薊州大水兩山

為岸民房倒塌人巢於樹

薊州沈志

四十七年春二月十九日巳時

武清風霾大作晝晦如夜至申乃微熳

武清蔡志

二十日京師風霾

晝晦黃塵四塞有頃赤光射人如血

明季北略

四月宣武門外響聞

至東御河水俱赤

明五行志

癸酉盛甲廠災

明神宗紀

秋七月昌平大

風霾晝晦赤光射人如血

昌平宋志

四十八年春三月昌平暴風揚

沙

昌平宋志

密雲大旱大城大風霾晝晦

宋訪冊

京師天鼓鳴

綏寇紀略

賈坻出一水獺至早不見

賈坻洪志

有道士歌于市曰委鬼當頭

坐茄花滿地生北人讀客為楷又轉音為茄魏忠賢客氏之兆

明五行志

行志

泰昌元年十月丁卯噉鸞宮災

明光宗紀

天啟元年二月戊戌

昭和殿災

明熹宗紀

七月順天蝗

明五行志

冬十月東安地震

東安李志

永清地震自寅至辰城堞半頽民房盡壞

永清續志

二年四月京師

旱

明熹宗紀

昌平陰雨怒號雹如卵壞屋瓦禾木偃拔

昌平宋志

密雲

大風雨雹壞屋瓦傷禾稼

密雲丁志

八月二十八日卯時演象所內

火藥房燬

二申野錄

文安雹雨傷麥

文安楊志

三年四月庚申朔京師

地震十月乙亥又震

明熹宗紀

薊州民楊禮家母豨生子人面豕耳

額上一目頰上微有鬚身無毛四蹄類牛

二申野錄

四年二月丁酉

薊州地震壞城郭廬舍甲寅京師地震宮殿動搖有聲

明熹宗紀

三

月丙辰戊午又震庚申又震者三大城地屢震屋瓦動搖夜不敢

明熹宗紀

寢多有露宿者

四月又震時方詣太廟行祀典蹕旋至夜

二申野錄

六月京師

大雨雹六科廊災京師一日三地震乾清宮之震尤甚八月薊州于中秋驟然暴風大雨滂沱迅雷霹靂聲匝響震空中黑暗四望晦冥宇舍搖動屋瓦飛擲大樹吹折者過半四面城樓與寺觀牌坊俱吹隕落兼之冰雹凍死男女無算二申野錄 癸亥乾清宮東丹墀旋風驟作內官監鐵片大如屋頂者盤旋空中隕於西墀鏗訇若雷明五野錄 五年六月東安地連震聲如霹靂東安李志 固安蝗固安志 六年五月壬寅朔厚載門火神廟火毬滾出前門城樓角有數千螢火并合如車輪明五野錄 初六日巳時天色皎潔忽有聲如吼從東北方漸至京城西南角灰氣湧起屋宇動蕩須臾大震一聲天崩地塌昏黑如夜萬室平沈東至順城門大街北至刑部街長三四里週圍十二里盡為齏粉屋數萬間人二萬餘王恭廠一帶糜爛尤甚僵屍層疊穢氣薰天瓦礫盈空而下無從辨別衙道

門戶震聲南至河西務東自通州北自密雲昌平告變相同城中

屋宇無不震烈舉國狂奔象房傾圮象俱逸出遙望雲氣有如亂

絲者有如五色者有如靈芝黑色者衝天而起經時方散明季北略

癸亥朝天宮災明熹宗紀 六月丙子京師地震明熹宗紀 閏六月大雨

西山洪水驟發城中水深六尺新舊屋宇傾倒不計其數盧溝橋

人家被水衝去良鄉城俱傾勢若江河口橫徧野直至涿州而止

二申野錄 詔獄土地廟前樹於六月間生黃芝碧血錄 孟秋下旬四

日白氣如匹布長數百丈起尾箕間貫紫宮掩天樞五星碧血錄

冬十月皇極殿成帝御殿受賀忽有聲如怒濤自殿中出羣臣班

亂通鑑輯覽注 七年八月懷宗即位將就寶座大聲忽發于殿之西

若天崩地塌然仗馬皆驚二申野錄 崇禎元年十月密雲大風密雲丁志

五鳳樓前獲一黃袱內襲小函一卷題云天啟七崇禎十七還

有福王一紀略文安旱六月方雨八月飛霜地震文安楊志十三年

正月辛巳朔京師大風霾晝晦明季北略八月癸酉昌平頭道關災

火器轟擊無餘昌平宋志固安旱固安陳志大城大水大城張志五年春

三月二十一年大通橋下有聲如雷有白物狀如犬擁波而馳至

小聖窩而伏二申野錄八月霖雨損山陵昌平地動明懷宗紀九月順

天二十七縣霖雨害稼明五行志十二月祈雪明五行志六年京師旱

碾飛擲于泡子河城牆下又一石碾自空中落于民家屋上打透

至坑坑上有小兒但墜地依然無恙又一人其腰繫挂梁上首與

足俱下垂衣皆脫去止有皮存其中並無肉無骨形狀比生時增

長多許二申野錄京師饑明五行志九年十月昌平大風損折陵樹昌平志

文安大城大水文安楊志十年正月京師石塊生火延燒倉場

等屋綏寇紀略四月乙亥薊州雷火焚東山二十餘里明五行志夏京

師大旱明五行志宣武門外民家白雞喙距純赤重四十斤或曰此

鶩也所見之處國亡明五行志大城旱蝗大城張志十一年四月戊戌

新火藥局災石板平起空中民家醬甌移至屋極醬不動乘驢過

者人驢飛至半空驢腸腹潰而人墮地無損綏寇紀略己酉夜熒惑

逆行尾八度為月所掩五月初五日丁卯退至尾初度漸至心二野錄

六月癸巳安民廠災震毀城垣傷萬餘人二野錄七月永清

武清蝗飛蔽天食禾殆盡武清蔡志九月順天雨雹明五行志京師有

黑肯狀如狸入民家為祟半歲乃止明五行志十二年春昌平明倫

堂梁產黃芝二大如扇昌平宋志二月癸巳京師地震明五行志六月

密雲蝗蝻食禾幾盡密雲丁志己卯秋薊州大饑骨肉相食薊州沈志

七月雷擊破密雲城舖樓所貯礮木皆碎明五行志九月二十日京

師草場失火綏寇紀略 十月昌平雷電雹大雨昌平志 涿州大饑涿州志

吳志 十三年春二月昌平風霾旱昌平志 永清大饑三月大風京

營大將旗吹墮永清縣永清志 五月昌平蝗昌平志 六月昌平蝻

昌平志 武清大饑斗米千錢樹皮草根食之殆盡人相食武清志

寶坻大水寶坻志 密雲大饑饉密雲志 文安飛蝗蔽日而下一人

捕數石文安志 大城旱蝗大城志 薊州饑愈甚餓死者無數薊州志

十四年四月癸丑雷火薊州西北焚及趙家谷延二十餘里明志

行志 七月京師大疫明懷宗紀 寶坻旱飛蝗蔽空邑令漆園捕蝗三

十石民之饑者食之寶坻志 昌平大城大饑人相食道殣相望大城志

張志 薊州旱蝗薊州志 十五年四月順天三河境內忽於空中墮

一龍牛頭而蛇身有角有鱗宛轉叫號於沙土中以水沃之則稍

止如是者三晝夜乃死烈皇小識 夏大城蝗如煙似霧木葉草根一

過如掃疫染者即死大城張志 七月京師鐵礮自鳴二申野錄 昌平介

山村生嘉禾盈畝昌平志 皇極殿鴟吻出煙近察之乃細赤蠖如

是飛者三日物理小識 奉先殿鴟吻忽落地作披髮鬼哭出宮又周

后宮中忽傳云接駕因具袍笏伺之見鹵簿嚴肅及近前乃一老

年女子舊閣云此李太后也良久寂然座右編 十六年正月二日

大風晝晦五鳳樓前門拴風斷三截又風吹建極殿廡簷椽桷俱

折殿瓦皆碎綏寇紀略 初五日大內諸殿脊及各門樓煙起閣臣皆

出疑有火災視之冉冉若炊煙而微淡久而乃息綏寇紀略 二月二

十四日戊子京師大風霾明季北略 京師大疫自二月至九月止明志

或倒諸銅器為電火所擊融而成灰六月二十三日夜雷震奉先

殿廟脊鴟吻碎中有劍削拔去不知落在何所廟門玲瓏雕刻處

皆損壞有龍爪痕綏寇紀略 八月皇極殿內忽一聲爆裂見腥血如

注出自殿廷一沾衣穢氣難聞妖氛眯目難當白晝即覺昏憤凡

朝臣以及內監宮妃莫不恐怖野錄 冬建極殿鴟吻中有聲似

鶉鳩曰苦苦其聲漸大後作犬吠聲三日夜不止綏寇紀略 昌平大

疫十月鞏華城羣鬼夜號月餘乃止昌平志 十一月火藥庫災震

驚遠邇傷三十餘人藥之所激空棺飛過數十家庫梁墮入錦衣

衛堂上二申野錄 京師黑眚見宮中常見如豕如犬者黑色行作鬼

聲綏寇紀略 舉場左右人鬼錯雜薄暮人屏不行一時貿易多得紙

錢乃置水投之有聲則錢無聲則紙大疫定後乃已綏寇紀略 上將

祭廟鹵簿已設忽見黑氣自空而墜如有婦人衣白者疾飛入宮

軍人皆見之是年人見太廟中鬼皆嘯呼而出綏寇紀略 十七年春

正月乙酉朔京師大雨霧二申野錄 昌平密雲大風霾晝晦三月大

風霾晝晦密雲丁志 二月初舉家聞哭泣綏寇紀略 乙卯上饒李建泰於正陽門建泰頓

首拜謝印綬花怒張如斗是日大風揚沙建泰肩輿不數武杆折

識者以為不祥先是內殿奏章房多鼠盜食與人相觸而不畏元

旦後鼠忽屏跡帝嘗御乾清宮空中墜一鶴頸穿一箭至地飛鳴

俄而鶴死又乾清宮後廡有青霞居遊藝齋皆陳設寶玉重器於

御几物忽自移彼此互易其處或顛倒錯亂失而復得守者懼得

罪伺之御榻重茵中有溺而旋者狐毛零落其氣尚温二申野錄 三

月十五日癸卯風霾日色益暗正陽門外關神廟中棋杆劈為兩

半撞于道上一時聞傳關帝厭世已出都門于三日之先託夢於

聖上明季北略

國朝

順治二年東安大水東安李志 三年四月文安大雨雹傷毀麥田文安志

五年密雲大水白河堤決密雲丁志 霸州大水霸州朱志 六年文

安大城大水文安楊志 九年文安大城薊州大水宋訪 永清

大旱永清續志 十年夏六月霖雨壞城垣民舍昌平宋志 東安霸州文

安大城保定大水宋訪 冬武清大雨雪平地二三尺人民凍餒

武清密雲饑密雲丁志 十一月東安大饑東安李志 文安蝗災文安楊志

要兒渡口決直注寶坻淹沒田廬寶坻洪志 五月文安大城保定

大雨如注連十晝夜諸隄盡決平地水深二丈大城張志 十二年固

安河溢壞城舍固安陳志 九月九日永清地震永清周志 香河河水為

害季冬大雪相繼積而不消香河劉志 十三年固安霖雨波濤遍野

固安七月昌平密雲蝗八月蝻密雲丁志 東安饑東安李志 十四年

固安大城水災固安陳志 秋東安蝗東安李志 九月二十日夜昌

平地地震次日復震昌平宋志

康熙元年七月保定栢木橋隄決保定成志 二年二月十九日京師

天鼓鳴隨隕星十一城外七城內四次朝拾視熱如熾炭東華錄

河決大城分汛文安楊志 東安地震東安李志 四年三月二日京師地

震有聲東華錄 東安昌平順義地震連二次頭次有聲如雷房歪

牆倒窪池水出二次微聲宋訪 七月初七日大城地震霖雨五

晝夜城垣倒壞十之六七縣境民房坍塌不下數萬間大城張志 五

年五月保定蝗自東來蔽日傷禾地震有聲六月雨下如注平地

水深三尺保定成志 六年六月香河天陰黑雲四合疾風暴雨冰雹

大注平地深數尺大者如碗田禾盡傷屋瓦皆碎遠近數十里城

內及城東尤甚香河劉志 秋七月昌平產嘉禾一莖二穗昌平宋志 七

年夏四月昌平奎樓火昌平宋志 五月癸丑子時京師地震初七初

九初十三日未時皆震東華錄 六月十七日香河地震從西北起

戛戛有聲房屋搖動七月初七日陰雨連日河水汎濫凡開口岸

三十餘處城四面水圍西城水滄三十八行北城滄十行大雨傾

盆晝夜不止村落當衝處房屋漂沒滄死男女屍骸並頭畜等蔽

滿水面水凡七漲計二十餘日民房多圯無所棲止男女襍聚廟

宇中香河劉志 秋七月昌平大雨漂民舍禾稼昌平宋志 盧溝水溢從

鳳河至城下平地深丈許三門俱塞水暴入城不能禦東城樓坍

墜其流始障武清蔡志 文安地震河決文安楊志 八年九月甲午寅時

京師地震有聲東華錄 九年春武清大城大旱無麥禾武清蔡志

九月二十五日巳時武清隕星一其大如斗從空墜落有聲屋

檣摧折入地尺許武清蔡志 十年霸州春旱夏潦霸州周志 文安水災

文安楊志 大城旱大城張志 十一年東安文安旱蝗東安李志 十二

年九月乙亥京師地震東華錄 武清地震武清蔡志 十三年九月九

日東安地震東安李志 十四年乙卯三月二十六日異風自巳至戊

黃霾蔽天瓦飛如燕茅屋盡揭薊州沈志 十五年五月初一日京師

大風晝晦有人騎驢過正陽門御風行空中至崇文門始墜地人

驢亡恙又有人在西山皇姑寺前比風息身已在京城內宸垣識略

十六年三河蝗三河陳志 十七年七月二十八日京師地震毛西河詩集

十八年七月庚申京師地震通州三河平谷香河武清永清寶

坻薊州固安等處尤甚采訪冊 薊州地內聲響如奔車如急雷天

昏地暗房屋倒塌無數壓死人畜甚多地裂深溝縫涌黑水甚臭

日夜之間頻震人不敢家居薊州沈志 寶坻各村莊見白兵抄掠捕

之寂不見寶坻洪志 二十三年東安蝗東安李志 二十四年正月二十

三日大風霾白晝如夜文安楊志 五月二十八日密雲大風密雲丁志

六月固安大雨壞民舍固安陳志 二十五年七月河決文安下五哥

莊文安楊志 丙寅薊州大水薊州沈志 二十六年九月丁亥丑時京師

地震東華錄 二十八年東安旱東安李志 二十九年庚午薊州大水

薊州沈志 寶坻大水寶坻洪志 武清旱蝗武清蔡志 三十年順天府屬夏

旱秋歉漢名臣傳 三十二年大城廣安村河決洪波流入文邑田廬

淹沒文安楊志 寶坻大水寶坻洪志 三十四年六月初五日至初九日

固安大雨如注環城水深丈餘固安陳志 蝗起武寶界寶坻洪志 乙亥

薊州水至南門城下薊州沈志 三十五年八月文安河決路曠平地

水深丈餘城垣倒壞民逃殆盡文安楊志 九月辛巳京師地震東華錄

三十六年蝗七月河決大城次花口文安楊志 三十八年夏六月

尊經閣產異菌大如盤一莖百顆夏秋大雨水河決灰塢口等處

武清蔡志 三十九年五月十二日大雷雨麥已熟未刈悉淹沒秋禾

無穫武清蔡志 七月子牙河水漲溢由大城之次化漫堤而入害及

文洋百里田禾盡沒文安楊志 四十年五月丙包人張兆龍妻馬氏

一產三男文安楊志 四十一年十月乙酉京師地微震東華錄 四十

二年癸未六月薊州大水水至南城門下三次薊州沈志 寶坻西河

水漲禾稼盡淹寶坻洪志 十月密雲星隕密雲丁志 四十四年四月密

雲蝻至九月不絕八月雨雹傷禾稼九月十六日夜地震四次密雲志

丁志 八月丁酉朔京師地微震東華錄 三河蝗不為災三河陳志 四

十五年二月二十七日丙辰京師地微震東華錄 四十六年寶坻

北河口隄決村落皆淹寶坻洪志 四十八年四月東安蝗六月水東安志

李志 秋昌平蝗蝻為災昌平宋志 五十年五月固安旱固安陳志 五十

一年六月固安蝗固安陳志 五十二年四月初一日固安蝗固安陳志

寶坻水寶坻洪志 五十三年五月初七日固安西雨雹拔木損禾凡

所損皆復生收穫無異固安陳志五十四年六月順義大風樹木盡

拔順義黃志五十五年閏三月順天府饑漢名臣傳夏密雲懷柔大旱

密雲丁志五十六年密雲雷震冶山塔密雲丁志五十八年六月

初一日武清地震武清蔡志二十九日夜寶坻疾雷飛電大風拔木

寶坻洪志文安雷雨大作大風拔木東安李志五十九年六月初七日

巳時地震初八日申時復大震有聲自西北來少刻搖撼簸蕩人

不得坐立城牆北面倒塌一十六丈城堞搖落大半民居傾壞無

數夜皆露宿後連次微動數日乃止懷柔新志八日東安地震東安李志

密雲地震越一日大震聲自西北來毀鼓樓及民居連日累震

密雲丁志六十年三月黃霧四塞霾沙蔽日東華錄懷柔自春不雨

至五月二麥無收小米每倉斗價銀二錢三分懷柔吳志密雲自春

至夏旱密雲丁志六十一年七月密雲大雨毀城白堤密雲丁志

雍正元年秋七月密雲蝻生逾夕抱黍自死密雲丁志二年東安冰

雹傷禾東安李志三河大水三河陳志寶坻大水寶坻洪志三年寶坻水

寶坻洪志六月武清大河西務堤潰平地水深數尺浸東門城甄十

數層武清蔡志七年六月武清山水陡發河西務浸決武清蔡志八年

八月十九日東安武清薊州地震有聲自西北來采訪冊十一年

冬十二月乙卯京師夜氛如霧重之以霜凝於木上全祖望霧淞賦東

安三河甯河薊州水采訪冊

乾隆二年春東安旱無麥東安李志順天合境大水漢名臣傳三年東

安大水渾河溢秋禾被災一百九十村東安李志四年永定河漫溢

武清蔡志五年三河飛蝗來境抱禾稼枝葉而斃不為災三河陳志寶

坻水寶坻洪志七年四月涿州雨雹大如雞子涿州吳志八年閏四月

大雨雹盤山雲罩寺塔被震倒塌五月大熱人多暈死薊州沈志五

月三河大暑人多病暍三河陳志 六月丙辰京師盛暑續東華錄 九年

四月武清旱武清新志 十年夏四月京師旱續東華錄 五月涿州雨雹

涿州吳志 三河旱三河陳志 十一年六月丁丑京師地微震續東華錄 十

七年三河蝗不成災三河陳志 十八年涿州旱涿州吳志 二十四年春

二月初七日天雨土早有騰傷禾秋九月二十六日夜大雪朔州沈志

二十八年六月霸州文安等處飛蝗漢名臣傳 三十年朔州大水

五月三十日夜至六月初一日且雷電風雨交加郡北山中蛟水

陡發冲去山内二十里舖房屋淹斃人畜甚多運糧船隻漂没七

號人米船板一概無踪朔州沈志 三十三年閏五月武清蝗武清蔡志

甯河水甯河關志 三十八年秋七月十九日朔州大風雨拔木熟禾

盡偃朔州沈志 五十四年永清水永清續志 五十五年朔州大水冲出

城南沽河舊石橋九空朔州沈志 六十年六月二十一日朔州地震

朔州沈志

嘉慶元年五月二十五日平谷大雨雹形大如雞卵無麥秋禾大

熟平谷陳志 二年閏六月十三日朔州地震有聲朔州沈志 三年二月

丙子京師缺雨續東華錄 乾清宮災宗聖訓 仁 五年朔州春無麥

朔州沈志 六年六月己酉京師大雨壬子永定河溢續東華錄 武清昌

平涿州朔州平谷大水采訪冊 七年夏四月癸丑京師旱續東華錄

七月平谷蝗平谷陳志 十年六月丁丑永定河溢續東華錄 十二年朔

州饑春三月十二日大風霾有火隨風著物有然有不然八月二

十三日早刻大雨雹有如鶩卵者屋瓦皆碎木葉盡脫朔州沈志 十

四年夏四月十五日朔州雨雹傷麥朔州沈志 十五年秋七月永定

河溢續東華錄 十六年夏四月戊辰京師旱續東華錄 十七年夏四月

朔州大雷電震盤山之塔秋大水朔州沈志 十八年七月長星見於

北斗旁先及紫微垣九月朔三環套日采訪二十一年永清水

永清周志二十二年夏薊州復震盤山之塔秋大旱薊州沈志固安大

旱饑固安陳志永清水永清周志涿州旱霜涿州吳志二十四年四月初

八日酉時有怪風自東南來陰霾蔽天晝晦京師尤甚室內皆燃

燭七月初八日平谷縣西南七里西高材莊午後有怪風兼雨自

西南來遙望如颶風由村內斜過其過處房屋摧敗甚有將屋之

上蓋連樑掀至街外者莊北高處有關帝廟西向風過處殿之南

山牆刮去一半樹木或倒或折損折者不一莊外自西南至東北

一里禾盡偃其平如掃平谷陳志固安渾河南五工決漫溢知子營

等一百一十六村固安陳志永清水永清周志

道光元年四月朔日月合璧五星連珠七月轉筋霍亂時疫大作

直至八月死者不可勝計是年恩科鄉試改期九月初八日采訪

冊

三年固安武清平谷大水采訪昌平霖雨禾稼盡傷昌平宋志

四年平谷自春徂秋瘟疫大行又兼三年秋禾不登人多無食

死者不可勝計甚有全家病沒無人埋葬者有因年荒無資棺殮

而藁葬者平谷陳志五年六月昌平蝗昌平宋志七年夏昌平大熱人

有暍死者昌平宋志十年六月初一日未時平谷雷震邑南城樓平谷

朱志十二年春昌平大旱饑六月始雨昌平宋志十二年春夏平谷

大旱近城十餘里於六月二十八日始雨其他處有於七月初旬

得雨者有於七月十四五日得雨者人別無可種至有種丸豆大

麥者亦獲微熟其他禾稼直至後九月尚未盡熟經霜而枯歲大

饑平谷陳志十三年春昌平大饑有路死者昌平宋志武清旱武清蔡志

十四年固安渾河北三工決漫溢北十里舖等八十七村固安陳志

十七年七月十三日酉刻後平谷大雹如卵城東南北如碗者由

城內至城西二十餘里接連三河縣界秋禾盡平城內外屋瓦碎其大半平谷陳志 八月十四日昌平大風傷稼拔木昌平宋志 十八年

秋七月十八日酉刻後平谷雨雹大如卵城東南北亘二十餘里北自北山後不知起自何地南至南山薊州界東西寬五六里秋禾盡損平谷陳志 二十年自六月十八日至七月十七日平谷霪雨

連綿大水平谷陳志 二十八年秋武清禾被水災武清蔡志 昌平旱六月大雨水傷人昌平宋志

咸豐三年固安渾河南三工決漫溢東西楊村一百二十八村固安陳志 四年固安武清蝗六月初一日龍見於固安石各莊西南俄

而升大雨如注采訪 五年夏五月昌平雨雹傷麥昌平宋志 六年夏六月固安渾河北三工決上北四工決固安陳志 昌平大雨昌平宋志

秋武清禾被水成災武清蔡志 八月初七日至初十日平谷飛蝗

自南大至蔽天旱田無傷晚田損聞自江南河南山東直隸關東皆然後即於田中生子依次小孔田地如篩平谷陳志 昌平蝗昌平宋志

七年固安蝗固安陳志 春昌平旱蝗昌平宋志 平谷蝻生無麥秋禾熟平谷朱志 八年昌平旱斗豆鐵錢四千昌平宋志 六月平谷蝻自西

南三河境至大王務霹靂莊秋禾半傷八月初八日蝗自南大至過一宿而去不傷禾平谷陳志 十年春二月昌平怪風傷人昌平宋志

同治元年三月初三日武清風霾晝晦人有死者武清蔡志 七月朔日月合璧五星聯珠續東華錄 六年武清先旱後潦秋禾被水成災

武清蔡志 夏昌平大旱秋七月雨雹昌平宋志 七年昌平城西玉虛觀松生黃花昌平宋志 十年武清水災武清蔡志 夏平谷大水凡山居水

勢尤猛田皆沖損人被沖溺者甚多有不得其尸者平谷陳志 十一年秋武清禾被水武清蔡志 十三年秋武清禾被水成災武清蔡志

光緒元年秋大暑人暍死

采訪冊

三年武清蝗

武清蔡志

夏昌平旱

蝗

昌平宋志

四年昌平霪雨騰

昌平宋志

五年五月武清水鬪

武清蔡志

七年六月武清蝗以米易蝗二千四百石乃不為災

武清蔡志

九年

七月大水闔境成災永定河決於永清境

采訪冊

華陽吳祖椿校

光緒元年秋大暑人鳴死
三年武清
七月大水圍境成災
永定河決
九月

